

[2.]

JANI ALEXANDRI FERRARII

Cœnobitæ Augustiniani

E U C L I D E S  
CATHOLICUS,

SIVE

DEMONSTRATIO ROMANÆ FIDEI

ex primis, certis & evidentibus principiis,

Mathematica methodo & connexis continua serie propositionibus deducta

Ad

*Reverendissimos Viros*

ADRIANUM & PETRUM

DE WALENBURCH.

---

*Ridenti dicere Verum.*

*Quis vetat ?*

---

*Juxta exemplar impressum.*

---

L O N D I N I,

Prostant Venales apud Guliel. Gilbert, ad Signum Semilunula in B. Pauli-Cœmeterio,

MDCCLXXIII.

1 JAN 1 ALEXANDER BIRD

CA T H O L I C S

3412

THE UNIVERSITY OF CHICAGO

1. The first part of the document is a list of names and titles, including "The Hon. Mr. Justice" and "The Hon. Mr. Justice".

Mathematics in the 19th century

1890

11

[illegible]

ADRIANUM & PETRUM

DE WABENBURCH

Students' names

\$ 10.95

mulierum aliquando luxu

NOV 1941

1914

1871-1872

MDC: III.





AD

# LECTOREM

## PREFATIO

**W** *Athenburehici* (ad quosque  
sequuntur, datae sunt *Epistole*)  
*ignobile* Par Fratrum, *Gente Ba-*  
*tavi*, in Pontificiorum Castra  
dudum *Transfuger*, creati sunt tandem *Titulo*  
tenus *Episcopi* (alter *Adrianopolitani*, *My-*  
*sienfis*, alter *Episcopus*). Rerumque *vet* *for-*  
*didi* *Papae* *Pensionarii*, *jurat* *que* *Serv* *in* *Ser-*  
*uorum* *Mancipia* *Pennas* *exercebit* *Venales*,  
junctisq;

junctisq; Viribus *Synagoga* istius *Satanica* va-  
 cillanti palam *Fabricæ* denuo stabiliendæ stre-  
 nuè navant. *Post* hæc *Aeris* autem  
*Technas* *Prophetas* *decebes* *omnes* *explo-*  
*ratione* *Methodis* *Meditione* *ut* *sunt* *No-*  
*va* *in* *his* *ipsorum* *Cerebello* *excusis*; in-  
 ter cætera *J. C.* *forma* *Porenfi*, *Pro-*  
*batione* *per* *testes*; non *antiquioris* sane il-  
 los *puriorisque*, sed *corruptissima* plane *Præ-*  
*sentis* sc. (quam vocant) *Ecclesiæ* *Roma-*  
*no-Catholicæ* *Testes* quasi *Meretricum* illi *Re-*  
*gina* & *Matris*, ad *Fidem* *Dogmatis* *suis* *in-*  
*ceptis* quantumcunque *impiis*que concilian-  
 dam, abunde sufficeret, si *Stilo* demum *Re-*  
*gio* subsignata exhibeantur omnia, *Teste* *Me-*  
*ipsa*: *Privilegium*, quod *Christus* quidem  
 ipse, *Ecclesiæ* veri *Nominis* *Catholicæ* ve-  
 rendum *Caput*, sibi in *Tetris* versanti vix  
 aut ne vix quidem vendicandum existi-  
 mavit. *Vapula* hac in *Pagina* *Fratres* isti in  
*Malo*; *Nec* (ut ipse se ferre videatur *Li-*  
*belli* *Titulus*) *etiam* *Demonstranda* suscipiunt  
 quam *Deridenda* omnibus propinquit *Fidels*  
*Romano-Catholicæ* & sub *Amoris* velo *Rever-*  
*entia*

venitque prætextu, sub quinta ( quod dicitur )  
Casta traiecitur. Perpetua nempe per omnes  
Epistolas Ironia lepidissime luditur ; Joci a-  
deo faceris, dentatis Salibus, mordacibusque  
Diſtertiis, ut magnus ille in iſthoc ſcribendi ge-  
nere Ichardus noſter, Anglicano uſus Idioma-  
te nihilo feliciter cum Hobbio ( majori ipſo-  
met, quam ſcripſerat, Leviathane ) egiffe vi-  
deatur, quam Lingua Romana ( Rebus Ro-  
manæ Eccleſiæ tranſigendis aptiori ) Walen-  
burchicos ( novos iſtos Cœli Papalis Atlantes )  
tractaſſe noſter hic cenſendus eſt Author.

Quin & alio etiam Nomine Author hic  
noſter eſt ; Natione ſc. *Anglus* ( quid ni  
enim tantum *Ingenium Angliæ* noſtræ aſſe-  
ram, gratulerque ? ) Nec ex ignobili ori-  
undus *Familia* ; unde vaſtris *Emiſſariorum*  
Artibus pellectus, *Iniquitatis Pontificiæ My-  
ſterijs* non *initiatuſ* modo, ſed & *enutrit*  
fuerat ad *Nauſeam* uſque & *Fastidium* : Ma-  
turiſſimis enim jam factis *Judicii* longius impo-  
nere nequierunt, portentosa adeo *Papicolarum*  
*Dogmata*, a quibus tam *Scriptura Sacra*, quam  
*Ratio ſobria* penitus abhorrent ; ipſique etiam  
*ſenſus*, una omnes reſiliunt : quæ bene accu-  
leatis

leatis ideo *Sarcasmi* potius exhibilanda, quam  
nervosis *Argumentis* debellanda esse videban-  
tur. De *Antibore* nihil est quod amplius præ-  
fari audeam; Cum Ipsi etenim sub *ementito* No-  
mine visum est delitescere, nollem ego com-  
mittere, ut Nomen *verum* in Publicum pro-  
ferendo exacerbatis *Papicolarum* Odiis ultrici-  
busque (*Sacrificularum* præsertim) iris, aut *Fer-  
ro* aut *Veneno* petendum exponerem.

Quia & alio etiam Nominis Author hic  
est, et Nominis h. Augusti (quod in  
eius ratione legimus Augusti nomine asse-  
runt, etiamque?) Nec ex ignobili ori-  
gine, sed ex nobili, et modo vatis *Boissiorum*  
Auctor delicti, *Invidiam* Pontificis *My-  
sticæ* non tantum modo, sed & tantum  
inter ad *Naufragium* nunc & *Falsidum*: Ma-  
luerit enim iam *Isidoro* Indici longius impo-  
nere, non potuerit *Portentosa* adeo *Papicolarum*  
et *dogmata* a quibus tam scripserat *Sarcasmi*  
Ratio *Jobi* & *peritus* apphoret: ipsius etiam  
sarcasmi, ut omnes rectissime: que per accu-  
latis



JANI ALEXANDRI FERRARII.

Cænobitæ Augustiniani

Epistola Prima,

DE

UTILITATE ATQUE NECESSITATE

CATHOLICÆ FIDEI,

Ad

*Reverendissimos Viros*

ADRIANUM & PETRUM

DE WALENBURCH.



Ortiter sane a multis, VIRI REVEREN-  
DISSIMI, ac vario successu pro Ecclesiæ  
incolumitate contra Hæreticos est de-  
certatum, vix autem a quoquam cautius  
aut dexterius quam a vobis. Cum enim  
& Ratio & Experientia edocuisset, Sa-  
cræ Reip nostræ nihil hactenus fuisse  
periculosius, quam quod ipsa negotii quod agitur mo-  
menta ex Scriptorum autoritate ac Veteris Christiani-  
tatis principiis expensa fuerint, Vos pro admirando ingenii  
vestri acumine, recte perspexistis, non *peremptorie* & ad

A

ipsam

ipsam causam pertinentibus argumentis esse decernendum, utpote, quæ Hæreticorum solertia inverti vel eludi facile possint, sed vel *dilatatoriis exceptionibus* utendum, ac *declinandum* Scripturarum forum, *Judicesque* omnes præter Pontificem nostrum *recusandos*; vel, quod præprimis vobis placuit, diuturnæ possessionis ac præscriptionis titulum obtinendum, prolixaque de *spolio* ordiundas esse querelas. Quam agendi rationem in foro quidem & judiciis usitatam, in iis vero, quæ ad Divinarum rerum intelligentiam ac fidem pertinent, antehac inauditam, cum accuratius considerarem, non aliud colligere potui, quam quod pro incredibili perspicientia vestra deprehenderitis, Controversias, quæ Catholicos inter & Hæreticos agitantur, non in Sacro & religioso, sed forensi atque politico causarum genere versari. Ita enim mecum animo reputabam; *Quid contra veritatem præscriptio, quid pro errore possessio valeat? Acutius sane Reverendissimis Fratribus ingentem, exquisitior eruditio, iudicium subactius; quam ut forensi istam litigandi rationem ad exquirendam aut stabiliendam Divinarum dogmatum veritatem transferri posse existiment. Unde omnino crediderim, Ipsos longe hic aliud agere, quam quod hætenus putabam, nec de Religione, sed de Imperio, nec de Fide, sed de Obedientia discipulare, ac dum adeo anxie & sollicite Hæreticos in Ecclesia suum reducere, omnesque secessionis causas eripere ipsis laborant, id unum contendere, ut Ecclesie imperio eos denuo subiciant, partaque exuant libertate.*

Dici vix potest, *Reverendissimi Fratres*, quanta quamque mirifica luce subito mentem meam cogitatio ista perfuderit, & quam clare protinus perspexerim, quid in isthoc argumento intentatum hætenus, sed impofterum omni opera & cura esset excolendum; Nimirum vestro agendi



agendi modo consimilem quoque materiam, conclusioni convenientia principia, ac thesi commodas hypotheases esse adaptandas, ut, quæ Catholicorum Doctrina Scripturæ Testimoniis ac Veterum Theologorum principiis propugnari haud poterat, non forensi solum Marte defendatur, sed ex reconditissimis quoque Civilis Prudentiæ axiomatibus demonstretur. Quod ubi a nobis præstitum fuerit, jam prævideo expedita fore omnia. Quis enim postea dubitaverit, ad stabiliendum tantum tamque late per omnes Terrarum Regiones diffusum, & in ipsos Potentissimos Imperatores, Reges ac Principes quantumvis invitos atque reluctantes extensum imperium, cuius nec par, nec simile unquam extitit, prudentia opus fuisse plus quam humana? Quis posthac credat, sola inermi eloquentia effici potuisse, ut imbellis Homuncio, pauperculi Piscatoris successor, ferocissimorum Imperatorum colla impune calcaverit, ut Reges solo nutu regnis excusserit, ut ipsas Coelorum fores pro arbitrio increpandi, easque dicto & claudendi & referandi, & quotquot lubuerit, Hominum millia ad atras inferorum sedes detrudendi, atque inde reducendi potestatem habere creditus fuerit, ut denique sub extremi & æterni supplicii metu, cum visibile quoddam in Terris Numen, non a rudibus & barbaris, sed a politissimis quoque omnium fere terrarum Gentibus fuerit adoratus?

Tria sunt Numina, quibus Mortalium natura ineluctabili quadam necessitate videtur esse subiecta, AMBITIO scilicet, AVARITIA, LUXURIES. Hæc nullis Philosophorum præceptionibus, nullis Legislatorum sanctionibus coerceri poterant. Unus inventus est homo, qui altiori longe, quam qui hominibus conveniat, fastu illa omnia conculcavit, sibi que soli vindicata in triumphum deduxit,



deduxit, dum primum illud, voluntariæ *Obedientiæ*, alterum *Paupertatis*, tertium, *Continentiæ*, in voluntariis vinculis constrinxit, atque ipse, licet *Servorum servus* Reges omnes pro mancipiis aut Vasallis; licet *auro & argento* destitutus, Universum Terrarum Orbem ipsumque Plutonis regnum pro patrimonio, & licet *Calebs*, omnique matrimonio solutus, alienos quos lubet thalamos pro suis habuit. Hæc quicumque paulo attentius consideraverit, nunquid necesse est ut fateatur, Eum, qui talia patrat, *vere elatum esse super omnem, qui dicitur Deum, ac super omne Numen, in Dei templo assidens tanquam Deus, &, quod sit Deus, sese demonstrans?* Quæ autem a Deo fiunt, quis negabit Divina esse?

Ejuraverit sane omnem Rationem, quicumque existimaverit, Rationis omnis destructionem Rationi adscribendam esse, atque a vulgari Rationis dictamine proficisci, quod sub prodigiosissimæ fidei obedientiam captiva ratio detrudatur.

An hominum sensibus attribuamus, quod omnes fascinetur sensus? quod nullis tormentis, suppliciis nullis detestemur, quin ea testemur vera esse, quibus & Visus, & Auditus, & Tactus, & Olfactus, & Gustus; & quicquid tandem nobis inest Sensus, aperte & constanter obloquitur? Quis non videt igitur Catholicæ Doctrinæ persuasionem ab aliis longe principiis provenire?

Enimvero Heretici fatentur Divinam fuisse Apostolorum sapientiam: at illa tanta non erat, ut assequi potuerint, qua arte super exilia ista, atque natura sua ad tale institutum ineptissima fundamenta, quæ a Magistro Jesu locata viderant, tam vasti Imperii moles extrui queat, licet illos satis ambitiosulos, regnandique cupidos, adeoque dubio procul Politicorum arcanorum non incuriosos fuisse,

fuisse, Evangelica Historia testetur. Quod si igitur Divina illa, quæ Apostolis obtigit, prudentia, si ad hanc nostram comparatur, mera sit stultitia, nec Sacri nostri Domini extiterit fabricatrix, quantis elogiis Pontificum nostrorum sapientia erit celebranda? Certe Divinissimam eam dici oportet, utpote quæ Divinam ipsam longissime superarit. Nam Diabolicam esse, ne ipsi quidem Hæretici affirmare ausint. Fatentur enim omnes, Pontificem nostrum Principem esse potentissimum, qui non aliquam tantum Italiæ partem, & in ea Mundi caput, sed & omnes fere Terrarum Regiones dominio suo vel premat, vel pertinet, totque possideat castra ac munimenta, quot Tempia & Cœnobiaz per Universum Orbem dispersa jacent, totque addictos sibi habeat milites, quot Sacrificuli, Monachique aluntur. Jam autem Hæretici, ex iis, quas in hunc ipsum finem ad Clerum, populumque Romanum Apostolus perscripsit literis didicerunt, *Non esse potestatem nisi a Deo; quæ enim sunt potestates, eas a Deo ordinatas esse, adeo, ut qui potestati resistit, Divine ordinationi obluetur.* Qua fronte igitur negent, Ecclesiæ potestatem a deo existere, Divinamque esse ordinationem? Unde & ipsos huic ordinationi subjici debere, atque eum in finem, non uno, sed duobus gladiis Pontificem armatum esse, diserte ibidem testatur Apostolus. *Cap. XIII. Comm. VI.*

Nullum nec in Urbe, nec in Orbe existit malum, quod Deus non faciat, quæ Calvinistarum juxta Prophetam constans est doctrina. Jam autem ipsi clamant, nullum majus unquam extitisse malum, quam sit Pontificia potestas, necesse est igitur, ut a Deo eam esse concedant, at quod a Deo est, quisnam negarit Divinum esse? Quo autem modo Ecclesiæ originem Divinam esse demon-

demonstravimus, eodem ejus conservationem Deo adscribendam esse censemus. Quanta excogitata insidiarum strues, quanta adhibita machinarum vis atque multitudo, quibus Sacrum istud Imperium jam ab aliquot seculis convellere, atque evertere studuerunt Terrarum Domini! Frustra tamen omnia & in cassum; nimis ut cunctis innotescat, justissimum rerum omnium Judicem huic Monarchiæ præsidere, qui & potentiam ejus in aliquot secula duraturam Oraculis suis prædixit, & ea fini *Erroris Spiritum atque efficaciam seductionis* quam liberalissime Humano generi se elargiturum promissit.

Verum quo prolabor? Non nobis ex Scripturis, utpote alienis & ad præsens institutum minime idoneis, sed ex propriis atque genuinis principiis Universæ Catholicorum Fides, quatenus ab Hæreticis Protestantibus oppugnatur, est demonstranda. Id quod commodissime a nobis expeditum iri spero, si admirabilem Religiosi Imperii machinam distinctius contemplemur, omnesque ejus leges, & repudiatas ab Hæreticis opiniones ex ordine perpendamus.

Quantum autem ad tractationis hujus methodum, animus erat Euclidean adhibere, qua ex paucis fundamentis universam Sacræ Monarchiæ structuram erigerem, verum experientia edoctus comperi, tam varia, tam diversa, tam inter se contraria firmamenta ab Architectis fuisse ruderata, omniaque mirificentissimis artibus adeo affabre concinnata & cœmentata, ut cuncta simul uno obtutu exhibere non liceat. Quædam enim extant, quædam inclusa aliisque oblecta latent, ut difficile sit, eo quo juncta sunt ordine, singula repræsentare.

Tria

Tria tamen fundamenta omnibus aliis substructa deprehendi: *Definitionem unam, Axioma unum, unum Postulatum.*

## DEFINITIO.

*Ecclesia est Imperium Spirituale, sed visibile, quo homines fidem ab uno Spirituali, sed visibili capite, Pontifice scilicet Romano, præscriptam profitentur, conformemque ei obedientiam præstant.*

## AXIOMA.

*Quicquid ad Ecclesiæ hujus defensionem atque amplificationem facit, id omne & solum censi debet verum esse, pium atque sanctum.*

## POSTULATUM.

*Liceat Ecclesiam hanc extendere usque ad fines Terræ.*

Quamvis

Quamvis vero hæc prima sint principia, quæ soli omnem demonstrationis apparatus non constituunt, sufficiunt tamen illa firmandis reliquis principiis omnibus, quæ ipsa quoque suo loco in apertam lucem protrahemus, ut de iis ne Hæreticorum quidem obstinatissimo dubitare liceat. Rationes autem, quibus inductus fui, ut de hac materie ad Vos potissimum scriberem, *Fratres Reverendissimi*, jam ex iis, quæ narravi, abunde patent, ut superfluum videatur pluribus eas exponere. Quod si sanctum hocce institutum judicio vestro comprobaveritis, ea, quæ epistolari brevitate adumbranda jam suscepi, diligentius aliquando, & exactius digesta serie, & prolixioribus commentationibus comprehendam, omnesque Catholicæ Religionis artes, qua potero simplicitate atque ingenuitate explicabo. Sic Valete in Domino. Pariliis Cal. Aug. A. a Beatæ Virginis partu clō Io c Lxvi.

AMOTXA

AMOTXA

POSTULATUM

IANI

AMOTXA

AMOTXA



JANI ALEXANDRI FERRARIJ

Cænobitæ Augustiniani.

De

CATHOLICÆ FIDEI

Utilitate atque Necessitate,

EPISTOLA SECUNDA,

Ad Reverendissimos Viros

ADRIANUM & PETRUM

DE

WALENBURCH.



QUOD nuper vobis promiseram, *vir*  
*Reverendissimi*, me singulorum Ca-  
 tholicæ Fidei capitum utilitatem at-  
 que necessitatem ex ordine demonstra-  
 tutum, id Vestris jam auspiciis, Vestro-  
 que ductu aggredior. Ignoscite moræ,  
 quam alia, quibus distractus fui, nego-  
 tia hætenus interposuere. Polliceor vicissim, majori eam  
 diligencia atque promptitudine in posterum me esse com-  
 pensaturum, modo ea, quæ scribimus, judicio Vestro  
 comprobentur.

Primum igitur, cum ipsa doctrinæ ratio postulet, ut  
 ea cæteris omnibus præmittantur, quæ aliis & certitudi-  
 nem conciliare & lucem quandam inferre possunt; *a Verbo*  
 DEI initium faciendum esse arbitramur. Illud enim

C

licet

licet Hæreticorum ertoribus quam proximas commodissimasque occasiones præbeat, a Nostreis tamen incredibili quadam & divina propemodum dexteritate ad usum instruiturque nostrum ita inflecti atque accommodari solet, ut nos utilissima nostra dogmata, non minus, quam Illi perniciosissimas suas opiniones, ei superstruere videamur. Quare non solum Catholici Scriptores, atque Eos inter Celebratissimus *Bellarminus*, verum Ipsius quoque Sacro-Sancti, quod *Trideni* habitum est. *Oecumenici Concilij* Præsides, omnem de Religione tractationem inde ordiendam esse censuerunt, istamque de Verbo *DEI* materiem primam omnium disceptandam proposuit Legatus Cardinalis de Monte, *per istabilire, conquali armi si dovessè pugnare contra gli Eretici, ed in qual base dovessero fundare la lor credenza i Catholici*, ut ipsa Eminentissimi *Pallavicini* teneamus verba, eademque opera ostendamus, quam certam semper cereas istas *Scripturas* ad partes suas pertrahendi fiduciam habuerint Catholicæ Fidei Doctores. Quamvis enim ibi *Er. Vincentius Lunellus*, *Silvestri Prætoris*, *Eckii*, aliorumque Antecessorum exemplum secutus, de *Ecclesia* prius disputandum existimaverit, tanquam de priori ac solidiori Theologiæ firmamento, cui & Sacrarum literarum, & Traditionum autotitas unice inniteretur, consilium tamen istuc non a malo quidem animo profectum, sed certe imprudens ac periculosum, a reliquis Patribus rejectum fuit, eo quod Ecclesiæ autoritas ut rata jam, fixa ac determinata poni, nulloque obtentu in controversiæ discrimen adduci deberet, ne impia forte aliqua vel invitam mentem subiret atque sollicitaret dubitatio. Quare neque nos ista *Romana Ecclesia Divinitatem* inter demonstrandas Veritates collocavimus, sed eam priori jam epistola, tanquam primum indu-

Hist.  
Concil.  
Trid.  
lib. VI.  
cap. XI.



bitatumque posuimus principium, ea lege, ut quicumque illud negare vel in dubium vocare audeat, non imbellibus sane verbis, sed urgentibus verberibus corrigendus, ac nisi mature serioque respiscat, tanquam Sponsæ Christi Violator, Sacræ perturbator Reip. & tum Divinæ, tum Semi-Divinæ Majestatis reus, vel ad blasphemantis linguæ excidium condemnandus, vel e viventium tollendus terra, & expiaticibus ustulandus sit flammis, juxta Ipsius Christi præceptum; *Nisi quis in me* (id est, in Ecclesia, Joh. XV. quæ unum cum capite constituit corpus) *permanserit, ab-* Comm.  
*jectus extra vineam statim ut palmes arecet* id est, extra VI.  
 Ecclesiæ communionem eliminatus variis cruciatibus ita emaciabitur & torrefiet, ut ad ignem concipiendum eo fit aptior) *Deinde congregentur isti palmites, & in rognum ob-*  
*iciantur, & ardeant.*

Nec sane alia ineunda est via, cum vel ex vulgato scho-  
 larum præscripto, *Contra negantem principia non sit dispu-*  
*tandum*, nosque jam exploratum habeamus, Ecclesiæ no-  
 stræ auctoritatem iis annumerari debere, quæ ἀναπόδεικτα  
 sive *indemonstrabilia* a Philosophis vocentur, quæque ipsa  
 licet probari non possint, aliis tamen probandis ipserviant.

Neque nos conturbare hic debet, quod multo cum cla-  
 more Hæretici blaterant, *indemonstrabilia tribus modis*  
*dici*, esse nimirum quædam, quæ ob falsitatem vel obscu-  
 ram perplexitatem atque incertitudinem demonstrari non  
 possunt; alia vero *indemonstrabilia* esse, eo quod tantam  
 tamque apertam habeant veritatis lucem, ut animo nostro,  
 ubi vel tantillum iis attenderit, continuo approbentur, ni-  
 hilque proferri possit, quod firmitus iis sit, aut evidentius;  
 quædam denique talia dici, non quod omnino demonstra-  
 ri nequeant, sed quod demonstrata jam fuerint, adeoque  
 ulteriori probatione non indigeant, sed in ratiocipationis

progressu tanquam in testa jam & evidentiā principia assumantur. Illi igitur Ecclesiæ nostræ auctoritatem primo significato indemonstrabilem esse, per deridiculum quidem concedunt; secundo autem & tertio negant. Imo inde conficiunt, cum, Vobis Ipsis monentibus, Intellectus circa rei evidentiā aut probationem, temere ei assentiasur, Ecclesiæ auctoritatem non nisi temere credi. Ego vero eam tribus illis omnibus modis, adeoque ἁπλῶς simpliciter & perfectissime indemonstrabilem esse cenſeo.

Etenim eam primo significato talem esse vel inde manifestissime patet, quod, omnium confessione, non ad scientiam pertineat, sed ad fidem, adeoque, juxta Basilium, ἡ πίστις ἐκ τοῦ λόγου τοῦ θεοῦ καὶ οὐκ ἐκ τοῦ νοῦ τοῦ ἀνθρώπου. Nam, ut recte Clomens Alexandrinus, πρὸς πελαγαίον καὶ ἀνατόλιον τῶν ἀρετῶν. Quæ quidem Illi de Verbo Dei, quod sua se luce manifestat, nos vero longe accomodatius de Ecclesiā pronuntiamus. Unde mirum non est, cum Fides omnium consensu sit obscura, utpote ἡ μὴ βλέπομενον, quod & ista propositio, Ecclesiā Romana est Divina fidei & morum præceptrix, non adeo evidētis certitudinis esse videatur. Est tamen inter hanc & alias ob falsitatem vel obscuritatem indemonstrabiles propositiones discrimen hoc immane quantum atque ingens, quod reliquæ solummodo demonstrari non possint, hæc vero demonstrari nec possit, nec debeat. Id enim certe fieri non debet, quod si quis faciendum suscipiat, & seipsum ludibrio dabit, & summam rei in discrimen adducet. At quicumque Ecclesiæ auctoritatem ex vulgo notis principiis demonstrare enititur, illum, experientia attestante, necesse est vel in infinitum circumagere circulum, vel in obscuriora, semper atque incertiora incidere.

Unde

De prob.  
per testis  
cap. I.  
§. I.

in Psalm  
cxii.  
assen-  
sum re-  
quirit f.  
dei non  
probata.  
Stromar.  
lib. viii.  
fide am-  
plecti-  
mur in  
demon-  
strabile  
princi-  
pium.  
H. b. xi.  
que non  
I. corum  
viden-  
tur.

Unde ipsis quoque Hæreticis astipulantibus, concludimus, Ecclesiæ Romanæ Divinitatem *primo sensu esse indemonstrabilem.*

Quomodo autem talis quoque dici possit *secundo* significatu, id paulo difficilioris est disquisitionis. Nam, ut recte etiam monuistis, *FRATRES REVERENDISSIMI*, evidentiā frustra quaeras in rebus Romana Fidei, *nipote quæ sunt de non-apparentibus*, hoc est, Interprete Apostolo, *de iis, quæ non existunt*; unde evenire solet, ut quando, verba ista audimus, *Ecclesia Romana est Omnium Magistra*, non firmum statim assensum? iis præbeamus, quasi indubitata subesset veritas, nec vim ullam in animo nostro sentiamus, qua ad credendum compellamur. Quocirca propositio ista non videtur annumeranda iis, quæ simplici mentis intuitu simul atque perceptæ sunt, nobis approbantur. Verum enimvero, ut difficultas ista tollatur, diligenter est attendendum, Animum hominis dupliciter posse esse affectum. Velenim est rudis & ab omni, quod ad rem faciat, præiudicio liber, vel congrua institutione dispositus ac veluti odore quodam imbutus. Ille ut plurimum ad percipiendam hanc veritatem idoneum lumen non habet, imo interdum ad credulitatem adeo est obstinate indocilis, ut non nisi eo lumine, quod ex succensa splendet pyra, efficaciter collustrari queat: Hic vero ita est comparatus, ut sine ulla ratiocinatione aut erroris formidine in utrumvis, quod ajunt, oculum Ecclesiæ Romanæ indormiat, & pro scientiæ fideique omnis extremo habeat Venerabile istud & Viro dignum; *Ipsa dixit*. Talis autem animus ea solet esse perspicientia, ut quæ vel oculatissimi se videre negant phasmata, ille distincte accuratissimeque omnia cernat, haud secus atque illi qui Dominica die vitalem lucem primitus aspexerunt,

H. b. xi.  
3.  
& Le-

& Lemures & Lamias & quæcunque alia *noctium occurracula*, & *busforum formidamina* & *sepulcrorum terriculamenta* videre dicuntur, quæ alii quacunque luce, aut quocunque sub fidere prognati, si cætera vel Lynceos habeant oculos, nequeant deprehendere. Neque sententiæ huic nostræ derogare quippiam debet, quod istiusmodi, quæ diximus, ingenia insipida plerumque sint atque inepta, & quod iis, quæ infirmissimo ætatis tempore a Nutricibus aut Pædagogis præscripta Ipsi ac veluti imperata sunt, sine ullo examine aut delectu adhærescant. Non enim inde consequitur, quod in isthoc notitiæ genere non acutius cernant, quam alii. Nunquid enim Ipsa experientia docet, Eos qui imbecilliori sunt visu, in crassissimis tenebris mille rerum species ac discolores figuras conspiciere, quæ Aliorum quantumvis vegetam effugiunt aciem; Nunquid & ii qui ex nimio febris ardore delirant, ea sapissime inveniunt suæque imaginatione complectuntur, quæ sanæ mentis Homines omni studio atque contentione assequi non possunt; Nec minus tamen oculorum hebetudo, & febris, & delirium in vitiis ponuntur. Ita licet stupor atque stoliditas & inepta ad quodvis credendum propensio inter animi virtutes non recenseantur, solent tamen illa Hominem ita instruere atque perficere; ut principium hoc nostrum de Ecclesiæ autoritate primo statim occurso amplectatur, ipsique firmiter adhæreat. Oportet enim, ut inter facultates nostras & eas res quæ nobis obversantur, certa quædam ratio atque proportio intercedat, ut, quod in proverbio est, similes semper labra lactucas habeant, & in eum finem, in spem scil. carduorum, mature obdurescant.

Quare nemini mirum videri debet, quod ea quæ de Romanæ Ecclesiæ Divinitate asserimus, Intellectui nondum

dum initiato nec principiis nostris assueto tantisper videntur obscura, donec, ut solennibus mysticæ Theologiæ vocabulis utar, ita fuerit *stultificatus*, ut ad *non apparentia rationis entia* percipienda deveniret capax. Quod ipsum quibus artibus confieri possit, & jam a Sapientibus nostris hætenus factitatum fuerit, & alias fusius & peculiari tractatione docebimus.

Atque ita quidem ostendimus fundamentalem nostram de Ecclesiæ doctrinam, & *primo* & *secundo* significatu esse *indemonstrabilem*; restat ut *tertio* quoque sensu, hoc est, ex factæ jam demonstrationis hypothese talis esse dicatur. Id quod ex priori nostra epistola aperte constat. Jam enim ibi Pontificiæ religionis & in ea fundatæ potestatis demonstrationem, non *a priori* quidem, ut Scholastici loquuntur, *a posteriori* nihilominus confectam dedimus.

Unde speciminis tamen ergo vel unicum hic repetamus argumentum, illudque vestro exemplo in hanc trianguli formam rotundemus;

*Potestas, cui viribus humanis resisti non potest, illa cælitus est delapsa.*

*Atqui Potestati Ecclesiæ Romanæ humanis viribus resisti non potest.*

*E. Ecclesiæ Romanæ potestas cælitus est delapsa.*

Prima Propositio per se est clara; alteram multorum seculorum experientia probat. Unde tertia rigida perstat atque immota ————— *veluti Marpesia cœuites.*

Quod si quis adeo immobilis sit cerebri, ut quantumvis syllogistica circulatione in gyrum circumagatur, de vertigine tamen possit esse securus, is demonstrationis hujus propositiones *per Testes* etiam confirmare poterit;

Vestro,

In Pref.

Vestro, *Viri Reverantissimi*, exemplo, qui superiori anno admirabilem istam a ICtis petitam probandi rationem promulgastis, & a nescio cujus Helmstadiensis Theologi ineptiis tanto cum successu defendistis, ut in posterum nihil solidi vobis videatur a Protestantium Theologis expectandum, si nimirum & Divinæ & Humanæ Juris prudentia ignari fuerint, quales scil. in Julia ista Academia hactenus fuerunt *Calixtus*, *Conringius*, Eorumque Discipuli, miselli plane Tenebriones atque inficetum Hominum genus.

De Monarch.  
Hist. cap.  
XVIII.

Testium autem aliquot adduci possent cohortes, qui de invicta Romanæ Ecclesiæ Majestate scripserunt. Nunc unicum tantum producam, sed qui & de præteritis & de futuris temporibus testatur, Historicum simul & Prophetam, *Beatissimum Campanellam*; Quod si, inquit illi, omnes Principes & Populi omnia sua auxilia conferant ad solvendum Papatum, nihil tamen efficiant. Si expeditio *Crucigerorum* saltem unica indiceretur, omnes ubique Religiosi, quorum multæ sane milliones, ad arma provolarent, mundo universo lingua gladiisque restituri ac terrorem incussuri. Neque enim Populi contra Homines sacros arma inferre essent ausuri, atque nisi omnes, maximatamen illorum pars esset succubitura, ceteri vero sic exterriti animum abjicerent. Et etiamsi Papa sceleratus sis homo, tamen Princeps gladium in eum stringens vincetur etiam vincens, id quod in *Rogero*, *Guiscardo Rege Neapolitano* manifestum factum est, qui prælio vincens, Papa pedibus tamen osculum figere coactus fuit.

Imo idem ille syllogismus (adhibita tamen ea, quam diximus, cautione) ex innumeris Sacrarum Literarum testimoniis probari posset, ex quibus unum sufficiat, *Datum est*, (scilicet a Deo) *Ei Ecclesiæ Septicollis bellum facere*



*facere cum sanctis & vincere eos, & data est Ei potestas in Apoc. XIII. 7.  
omnem tribum & linguam & Gentem. Et adorabunt Eam Apoc. XIX 7.  
Omnes habitantes in terra. Unde Ipsamet in suiipfius Matth. XVI. 18.  
admirationem raptā, Sedeo Regina, inquit, nec sum vidua, Luc. XI. 18.  
nec videbo luctum. Habet enim promissum, quod porta  
inferorum ei non praevalent; & promissi rationem; Nam  
si Satanās adversus se ipsum dissideret, quomodo staret re-  
regnum eius.*

Denique, quemadmodum Philosophus nuper hypo-  
theses suas propterea pro certis assumfit, quod omnem re-  
rum Universitatem iis superstruere atque omnia phæno-  
mena inde explicare potuerit, sic nos quoque eodem jure  
principium nostrum ponimus, ac duobus istis syllogismis  
confirmamus;

*Illud cui immensa aliqua & ex mille partibus composita  
moles adeo firmiter innititur, ut nuppiam vacillet aut nu-  
tet, omnino solidum est fundamentum.*

*Atqui huic Propositioni, Ecclesiae Romanae Autoritas  
est Divinatota Pontificii Imperii moles innititur. E.*

*Item? In quod omnia dubia possunt resolvi, ita ut ipsum-  
met non solvatur, illud est primum dubiorum omnium prin-  
cipium.*

*Atqui haec Propositio, &c. E.*

Sic a Vobis, **FRATRES REVERENDISSIMI**,  
didicimus in forma argumentari, id quod ad persuaden-  
dum mirificentissimam efficaciam habere dicitur, adeo ut  
non dubitem, quin Hæretici jam vel his syllogismis per-  
territi, manus nobis suas sint daturi. Quod nisi extemplo  
fiat, proxime ad demonstrationes de Verbo Dei perge-  
mus. Vos interim favetē & plaudite. *Parisis, in Con-  
ventu majori. Cal Octobr. CIO IOC LXVI.*



## JANI ALEXANDRI FERRARII

Cœnobitæ Augustiniani

Epistola Tertia,

Ad

*Reverendissimos Viros.*

A DRIANUM &amp; PETRUM

DE WALTENBURCH



QUIBUS rationibus inducti *Ecclesia Romana* auctoritatem inter *divinis* sive *indemonstrabilia* retulerimus, ipsamque adeo demonstrationum nostrarum seriem a Verbo DEI ordiendam esse statuerimus, id superiori jam epistola fufius est explicatum. Quare ad institutum ipsum nunc accedemus, atque omnes per universam Theologiam a Lutheri & Calvini Sectatoribus in controversiam vocatas propositiones primum nude simpliciterque proponemus, dein singulis, ubi opus erit, explicationem, ac postremo loco demonstrationem subjiciemus. Quantum autem ad probationis formam attinet, animus quidem erat *sylogisticis figuris* uti, verum consilium postea mutavimus, consultiusque judicavimus, rationes nostras libero potius atque continuo sermone exponere, quam eas vel ad *Barbara* finem effigiare, vel in *Celarentis* aut *Felaptonis* includere modulos, præsertim cum omnis illa *'sylogistica* textura, si ad Vos respiciam, inutilis penitus

penitus fuisset atque supervacanea. Audio enim omnia quæ vel oculis vel auribus vestris usurpatis, ubi vel extimam *pinalis* vestræ *glandula* superficiem attingunt, vi quadam plane mirifica & tantum non *transubstantiva* in *formales* syllogismos confestim *triangulificari*.

QUOD Igitur TOTI SACRO-SANCTÆ MONARCHIÆ FELIX FORTUNATUMQVE, & Omnibus, qui Papæ Numen invocant, ad vitam optimius splendidiusque transigendam utile sit atque salutare, esto.

## PROPOSITIO I.

*Ad obtinendam salutem Religio aliqua est absolute necessaria.*

### EXPLICATIO.

Cum propositum nobis fuerit non nisi ea demonstrare Catholicæ Fidei capita, quæ a Lutheri & Calvinii Assectis impugnantur, mirum fortassis alicui videbitur, quod isthanc Propositionem probandam susceperimus. Eam enim & illi non tantum ut veram defendunt, sed etiam ut necessariam urgent, & adversa sentientes ex ipsa hominum societate ejiciendos existimant. Mirari tamen Ille desinet, ubi cognoverit, eandem quidem verbis, sensu vero diversissimam ab Hæreticis sententiam statui. Nam quantum quidem ad vocem RELIGIONIS, idem Illis sonat atque Nobis; *metum* scilicet *Invisibilis* *Dis. 1.*  
*alicujus*

Def. 2.

Def. 3.

*alicujus, & supra humanam conditionem elata Possessatis, quæ a Mortalibus, utpote inferioribus atque impotentioribus, submissio cultu est prosequenda.* SALUTIS vero vocabulum, licet generatim ab utraque partium eodem sensu accipiat, pro summo nimirum atque extremo Veritatis, Pietatis & Sanctitatis, adeoque universa Religionis finis; speciatim tamen diversissimo usurpatur significato. Cum enim ex axiom. unic. ep. prim. illud solum pium, verum & sanctum censeatur, quod ad Ecclesiæ, id est, ex def. un. ib. imperii Pontificii defensionem atque amplificationem facit, necessario colligitur, voce SALUTIS nihil aliud Nobis significari, quam *aspectabilis illius, quod sub Christi nomine Vicarius Ejus in terris exercet, Domini magnitudinem atque perpetuitatem.* Hæretici vero longe aliter vocabulo isto abutuntur, ad notandum scilicet nescio quod imaginarium Christi regnum, quod *invisibile* dicunt, heic quidem terrarum *internum*, in coelis vero *æternum*, & quod cum nostra salute, id est cum Romani Imperii incolumitate consistere posse diserte negant. Ubi, ne quis forte erret, in transitu observandum, Imperii Romani nomine haud quaquam nobis intelligi profanum illud, quod vulgo hodie vocant l'Empire d'Allemagne, Germanis dicitur *Römisch Reich*, sed istuc nostrum vere sacrum, imo sacerrimum, quod Pontifex Noster Vice-Deus in terris administrat. Nam quantum ad Cæsares, & reliquos Mundanos Reges, illi nec Romæ sunt, nec in urbem illam quicquam obtinent juris, imo quicquid habent, solius Ecclesiæ beneficio possident, tanquam *feudum*, eoque nomine Ipsius sunt *Vasalli*, unde imperite & ridicule admodum Romanorum sive Imperatores sive Reges vocantur.

Hæreticorum igitur explicatio toto cœlo a nostra distat,

stat, dum illi per *salutem* intelligunt eam, quam immortalitatis nimium avida ac proinde credula Mortalitas, in Elysiis, credo, campis fruendam exspectat, beatitatem; nos vero certam ac presentem felicitatem notamus, Quam posteriorem significationem priori nobiliorem longe atque excellentiorem esse. & ad farinam, quod aiunt, multo plus facere, vel inde patet, quod ex omnium Prudentum judicio *bona certa atque presentia futuris & dubiis sint preferenda*, adeoque & *Ecclesia de presentibus semper gaudeat.*

## DEMONSTRATIO.

Cum per *Salutem* nihil aliud intelligatur quam Ecclesiae incolumitas, *ex def. 3. Prop. 1.* Ecclesia autem *ex def. un. Epist. 1.* sit regnum spirituale, quod in metu & obedientia spirituali, adeoque *ex def. 1. prop. 1.* in religione unice consistit, necessario colligitur, salutem sine aliqua religione obtineri non posse, id quod erat demonstrandum.

Vis hujus complexionis adeo evidens est & firma, ut non sapientes solum omnes Legislatores & Rerum publicarum Architecti ab omni ævo eam observaverint, sed & pueri hodie in scholis discant Remp. etiam mundanam consistere nullam posse, nisi ipsi vel præstruatur, vel prætexatur saltem Religio. Politicorum vero Cyclici quique scriptores (quorum innumerabilem in Germania vestra pullulaginem hoc seculo *vermiculari* Eminentissimus Noster *Richelius* solebat dicere) ex *Platone, Aristotele, Tullio, Seneca*, ad nauseam usque sexcenties dicant, ac millies confarcinatis systematibus repetunt, Religionem Imperiorum

Contra  
Coloten.

ram fundamentum esse. Quod quidem non adeo operose erat inculcandum, cum nemo de eo dubitare possit, nisi qui & expers plane sit omnium rerum & in omni Rep. peregrinus. Quod si enim, ut cum *Plutarcho* loquar, unversum terrarum orbem perlustres, invenire possis urbes muris, liberis, legibus, domibus, opibus, numismate carentes, gymnasiorum & theatrorum nescias: urbem templis Diisque carentem, quæ precibus, iurejurando, oraculis non utatur, non bonorum causa sacrificet, non mala sacris avertere conetur, nemo unquam vidit. Facilius ego urbem condidi sine sole posse putem, quam opinione de Diis penitus sublata civitatem coire aut constare. Atque hoc est quod *Savaedra*, cum erubesceret iterum dicere, quod toties dictum esset, pingere maluit, Reip. columnis, legibus puta, in aere fluctuantibus, nisi religionis basi inniantur. Idem, sed nove & breviter, ut pleraque, *Montanus* noster, *Tonte* police a un Dieu a sa tete. Nimirum hominum prudentium & sapientium negotium semper fuit, populum in religionibus fallere, ut pulchre notavit *D. Augustin.* de Civit. Dei lib. iv. cap. 23. Ut enim actiones venerabiliores fiant, ad Deum sunt referende, ex consilio *Camp. de Mon. Hisp.* cap. 9. quandoquidem omnes Divinam potentiam pluri faciunt, quam humanam, ut recte observavit *Santissimo Papæ Alex. VI.* a Consiliis sapientissimus *Machiavellus* in discurs. de Republ. l. 1. II. Nec, si Hominis naturam consideres, res aliter se habere potest. Sunt enim omnes homines natura æquales, ut vere *Hobb.* de Civ. unde ex naturalis illius æqualitatis sensu, adeoque ex generali atque omnibus mortalibus communi ambitione non ita facile se homo homini, quam Deo subjicit. Ut vero homo ineluctabili necessitate compellus in societate vivere possit, pactis quidem & legibus sese

Essais  
l. 2. c. 16.

sefe obstringit, verum illæ leges non nisi in externos actus, & eos quidem certis rationibus probatos, arman-  
 tur, adeo ut non tam ipsa scelera<sup>1</sup>, quam scelerum depre-  
 hensio, nec tam malitia, quam imprudentia puniri <sup>Fr in f</sup>  
 videatur. <sup>ad Ant.</sup> *Quisquis igitur injurias, adulteria, rapinas, ho-*  
*micidia occulte committere possit, is certe leges humanas* <sup>Fabr. de</sup>  
*parum curabit, nisi lex alia sit, quæ intus & in animo* <sup>relig. reg.</sup>  
*male agenti intenet minas.* Hinc Polybius postquam  
 narrasset, religionis curam superstitionemque apud Roma-  
 nos tantopere auctam esse, ὥστε μὴ καταλιπεῖν ὑπεβολών,  
 tanquam ex profundis tenebris lucem aliquam eminus  
 adventantem per rimulam conspiciens addit: ἐμοὶ γὰρ μὲν  
 δοκῶσι τῷ πλείους χάριν τῆς πεποιμένης. πάντες γὰρ πλείους ἐστὶ  
 ἐλαφρὸν ἢ πλείους ἐπιθυμῶν παρανόμων, ὀργῆς ἀλόγης, θυμῷ  
 βιάσθαι. λέγουσι, τοῖς ἀδύλοις φόβοις, ἢ τῇ τοιαύτῃ τραχώδῃ τῇ  
 πλείονι σωέσθιν. Hæc Stratagematographus iste, cui si  
 quis nolit credere, næ ille damnandus est, ut non *Lipsii*  
*solum Monita*, (est enim exiguus nimis libellus) sed  
*ponderosa ipsius R. P. F. Adami Bunken Politica*, cum  
 omnibus suis notis & appendicibus, & universis Germa-  
 norum Locis Communibus, jejuno stomacho, ac sicco  
 gutture deglutiat. Sed ohe! ad institutum.

Quod si igitur ad quodvis Imperium stabiliendum at-  
 que conservandum necessaria sit religio, quanto magis  
 ea ad hoc nostrum requiritur, quod totum sacrum est  
 atque spirituale, nec a Profanis Hominibus, sed a sacra-  
 tissimo Pontifice administratur. <sup>De M. H.</sup> *Per religionem*, inquit. <sup>s. 17.</sup>  
*sapius jam laudatus nobis Thomas, Papa dominatur Eu-*  
*ropa, Asia, Africa America, &*, ut uno verbo dicam, <sup>Id. c. 18.</sup>  
*omnibus Christianis hujus mundi. Qui enim religionis Ma-*  
*jestate pollent, iis obsisti non potest. Adspice Samuelem. qui*  
*Saulum solio imposuit, rursusque deposuit, electo Davide.*

Papa

Papa vero quid non in isthoc genere ausus est atque effes  
*Adspice Moſen*, qui ſolus cum Levitis & Sacerdotibus  
 arma induit contra populum Iſraeliticum rebellantem &  
 contra Principes qui cum uxoribus ſuis millionem numero  
 exceſſerant, atque armis unius tribus ſacerdotalis trucidavit  
 una die trigefies ter mille homines. De his Sacerdotibus  
 vere dici poteſt, quod in eorum manibus *utrus ſit*  
*ſermo DEI* & efficac, & penetrabilior omni gladio acci-  
 piti, & pertingens uſque ad diſiſionem animæ ac ſpiritus,  
 compagum quoque ac medullarum, ut ait *Anonymus* qui-  
 dam in *epiſt ad Iudaos*, c. 4.

## PROPOSITIO II.

*Religio autem naturalis ad ſalutem non ſuf-  
 ficit.*

### EXPLICATIO.

*Def. 11.*

**P**ER religionem naturalem intelligimus comprehenſio-  
 nem *noſtriarum* de ſuperiori aliqua & inviſibili Po-  
 teſtate, ſive illa humanis mentibus congenita ſint, ſive ex  
 contemplatione *Univerſitatis Rerum* certa quadam ratioci-  
 natione collecta. Notationes illæ Noſtratibus dicuntur  
*Les cinq point du Catechiſme des Deiſtes*, Germanis,  
*die funff Hauptſtuck der allgemeinen natutlichen Re-*  
*ligion*. Explicavit eas inter alios ex Noſtris quidem, Ve-  
 nerabilis Pater *Garaffus*, inter Hæreticos vero *Herbertus*,  
 in *Theologia ſua fundamentali*, quam duobus libellis,  
 altero



altero de *Laicorum*, altero de *Gentilium* religione est complexus; quorum tractatum priori obstetricatus est Vir omni Omnium laude & veneratione major, atque eo ipso nomine nobis non nominandus; alteri vero sesquihæreticus ille Belga, quem nostis, ingeniosissimus, *Isaacus Vossius*. Recensentur autem articuli isti hoc ordine: 1. Esse aliquod supremum Numen. 2. Numen illud coli debere. 3. Virtutem cum Pietate conjunctam optimam esse rationem Cultus Divini. 4. Respicendum esse a peccatis. 5. Dari præmium vel poenam post hanc vitam,

Nos quinque ista axiomata, adeoque religionem naturalem negamus sufficere ad salutem.

## DEMONSTRATIO.

**E**Xquinque istis modo commemoratis religionis naturalis capitibus, non sequitur Omnes Mortales Romano Pontifici obedientiam debere. Potest enim quis credere 1. esse quoddam supremum Numen; sicut non credat Alium aliquem, præter Reges ac Principes, Numinis istius Vicarium, eumque Universalem & Spiritualem in terris existere. 2. Potest credere Numen illud coli debere, nec tamen inde persuasum habere Pontificis nostri vel nates vel pedes, (perinde enim est, cum totus uniformiter sit sanctus) esse deosculandos, aut ipsum in elevatione super Altari adorandum. 3. Potest credere, virtutem cum Pietate conjunctam optimam esse rationem cultus Divini; dubitabit tamen, an Virtus omnis consistat in liberalitate erga Clerum, & an omnis Pietas cæca erga Ecclesiam obedientia absol-

E

vatur.

SANTO

vatur. 4. Potest credere, *resipiscendum esse a peccatis*, licet sacramentalem Poenitentiam penitus ignoret, nec sacro aliquo fido a sacerdote absolutionem redimendam putet. 5. Tandem potest credere, *dari premium vel penam post vitam hanc*, licet forte existimet Poeticum fuisse ac minus sincerum istuc *Sinceri Actii ad Clementem alloquium*.

*Magna Parentis custasque hominum, cui jus datur uni  
Claudere caelestes & referare fores.*

Proinde ex *defn. un. b. prepos. & def. 3. prop. 1.* Religio naturalis non sufficit ad salutem. Id quod erat demonstrandum.

## COROLLARIUM

*Ergo, ex solo lumine naturæ non constat  
Pontificem Romanum esse Dominum  
Universi, nec mysterium hoc omnibus  
Gentibus esse revelatum.*

**S**unt qui obijciunt omnia Gentilium oracula, & auguria, quibus Romanæ potentiae æternitas ab antiquissimis temporibus fuit præsignificata. Enimvero fateor mirabile esse atque omnium & quatuor & duodecim Hebræorum Varum oraculis, & Urbis Romæ primordiis longe vetustius istuc Prophetæ *Homeri Iliad.*

*Nun h di Kyrao sin apse, n. a. v. e. n.*

*Kai taidi taidi, toidai entidai, Xidai.*

Nunc

*Nunc autem Trojana Aeneas sceptratenebis,  
Et Nati Natorum, & qui nascentur ab Ipsis,  
Quippe Jupiter Romanis  
nec metas rerum, nec tempora ponit,*

*Imperium sine fine dedit; —*

Ut Maro postea vaticinatus. Nec per viros tantum,  
sed & per mulieres fatidicus ille Spiritus Romani Domi-  
nii æternitatem prædixit. Legimus enim istuc *Brinnæ*  
Poetriæ, quod, ut Delphicam majestatem propius acce-  
dat, Græco sermone referemus;

Χαῖρε μοι Ρώμα θυγατὴρ θεῶν  
Χρυσόμικτρα, δαίφρων ἀναστα,  
Σεμνὸν ἄγαιες ἐπιγὰς ὀλυμπον  
ἅϊον ἄθραυγον.  
Σοὶ μόνα φίσβισα δίδωκε μοῖρα  
Κῶδ' ἀρήκτω βασιλῆων ἀρχαίς,  
Ὅσφι κοίραν ἔχουσα κέρτ'  
Ἀγρομονύης.  
Πάντα ὃ σφάλλον ὃ μέγας αἶθερ,  
Καὶ μεταπλάσσειν βίον ἄλλοτ' ἄλλως  
Σοὶ μόνᾳ πλεῖστήσων ὕρον ἀρχαίς  
Οὐ μεταβάλλει.

Quæ Romano idiomate ita se habent;

Filia o Martis mihi Roma Salve,

Aureo regina decora cultu,

Quæ vel in terra stabiles Olympi

Incolis arcet.

Nam dedit soli Tibi cana Parca,

Regium sceptrum minime atterendum,

Vt potens rerum domineris una,

Imperitesque.

Ipsa quæ gaudet variare cuncta,  
 Resque transformans Hominum Vetustas  
 Spirat hæc uni tibi semper auram a  
 Puppe secundam.

Nam ex, Chæronensis augurio, Fortuna quidem alata est  
 & vaga, & modo Assyrios, modo Medos, Persas, Macedo-  
 nes, Carthaginenses lustravit, Eosdemque destituit, sed ad  
 Tiberim alas posuit, volubilem globum reliquit, & urbem  
 perpetim inhabitatura intravit.

Tandem & in extremam admirationem merito  
 omnes rapit Vates Venusinus, qui non Romani tantum  
 Imperii, sed Pontificatus quoque nostri perpetuitatem,  
 æthereo, quo repletus erat, spiritu agitatus præcinit;

l. 3. Od.  
 mlt.

Non omnis moriar, multaque pars mei  
 Visabit Libitinam: usque ego postera  
 Crescam laude recens, **DU M CAPITOLINUM**  
**SCANDET CUM TACITA VIRGINE**  
**PONTIFEX,**

id est, in æternum. Quæ ultima verba Paraphrastes noster  
 Gallus, Venerabili Marolio longe venustior, prægnanti-  
 bus vocibus ita reddidit; *tandis que le Pontife montera au*  
*Chateau de S. Ange quelque religieux, qui le laissera faire*  
*& ne dira mot, c'est à dire; tandis que le Monde durera.* In  
 quem locum novissimus Commentator monet inspecien-  
 das esse Pontificum, itemque Dominarum Marozie,  
 Theodora, Vannocia, & Olympia vitas, non sane quas  
 Hæretici scripserunt, sed quas nuper Lugduni edidit Rev.  
 P. F. Franciscus Carriere, Aptensis Minorita Conventus  
 D. Theol. amicus nostræ singularis, & quem honoris causa  
 nominamus.

hunc

Sunt igitur qui existimant Hominem attentum & salutis cupidum, ex his & consimilibus Gentilium oraculis, Pontificii Imperii Divinitatem atque æternitatem colligere facile potuisse, adeoque *Romana Ecclesia Potestatem EX IPSO LUMINE NATURAE* Moralibus innotescere.

Verum enimvero quicumque illi sint, qui contra *Corollarii* nostri veritatem talia obiectant, iudicio quidem meo oppido falluntur. Nam primum quidem oracula ista nequaquam Universali Naturæ Lumini, sed vel Paucorum astutiæ, vel Casui, vel Lectorum potius & Interpretum, quam Autorum ingenio sunt adscribenda, neque ad Naturalem religionem, sed ad *Superioris Didascaliam*, hoc est, ad potissimam partem mystici Choragii pertinent. Deinde licet illa præsignificent Imperii alicujus Romani atque in eo Sacerdotalis Ordinis æternitatem, minime tamen isthanc portendunt Monarchiam, quam in universum fere terrarum orbem *Pro-Christus* Noster extendit. Hoc enim est *mysterium a seculis absconditum*, nec nisi ultimis temporibus revelatum, quod nec oculus antea viderat, nec audiverat auris, neque in cuiusquam descenderat mentem. Quippe inter profanum illud Regum, Consulium, aut Cæsarium Imperium, cui olim *Roma* abnoxia fuit, & inter hoc nostrum, immensa interjecta est abyssus, illudquid ab isto superatur

*Longius terra plaga quam remoto  
Distat Olympo.*

Eleganter discrimen hoc explicuit *Nepotismi* Scriptor cuius legendi mihi nudius tertius demum copiam fecit *R. P. Sempercus*, & ex quo, cum dubitem, an ad manus vestras jam pervenerit, paucula isthuc referenda duxi;

*Parue*

*Il Nipoti-  
simo di  
Roma  
part. I.  
lib. I.*

Parve nata Roma per signoreggiare l'Universo, e ciò si può dire con buona ragione, mentre l'ha signoreggiato e signoreggia. --- Ma nel tempo che Roma era Repubblica nel tempo che gli Imperadori erano in Roma, Roma non s'ingerì mai a comandar le coscienze, ne obbligo in alcun tempo l'anime degli Huomini, a render tributo così grande al Vaticano. --- Il Pontefici tutto al contrario confondono insieme, e lo Spirituale & temporale, volendo di queste due potenze un sol corpo, & attaccandosi più all'o spirituale che al temporale, obligano e i Principi e i Popoli a prestarli un'ubbidienza sì esatta che la sola memoria spaventa il pensiero ed il cuore, Quel chiudere i Pontefici le porte del Paradiso al lor modo, quelle aprir quelle dell' Inferno al loro piacere, obbliga i Popoli a scordarsi della ubbidienza dovuta a loro Principi, e di prostrarli riverenti a loro piedi. La Repubblica che dominava il Mondo con la politica, gli Imperadori Romani che lo signoreggiavano con l'armi, i Tiranni che lo forzavano con la Tirannia, non penetrarono mai massime così recondite, ne seppero humiliare i Popoli alla lor divotione, come s'humiliano al presente. Hæc ille. Ex quibus omnibus constat vanum esse quod Nonnulli dicunt, universalem Pontificis nostri Monarchiam ex lumine Naturæ pervideri posse. Proxime ad alia progrediemur. Vos vero quam optime Valete, Viri Reverendissimi. Paris. in Conv. maj. Id. Novembr. 1666.



JANI ALEXANDRI FERRARI

Cœnobitæ Augustiniani.

De

Utilitate atque Necessitate

CATHOLICÆ FIDEI

EPISTOLA QUARTA,

Ad Reverendissimos Viros

ADRIANUM & PETRUM

DE

WALENBURCH.

VIRI REVERENDISSIMI,



*Be exortu pene Urbis Martia strenarum  
usus adolevit, autoritate Tatii Regis, qui  
verbenas felicitis arboris ex Luce Strennæ  
anni novi auspice primus accepit. Nomen  
indicio est, Viris Strennis hæc convenire  
ob virtutem, atque ideo Vobis huiusmodi  
insigne debet, quorum divinus animus  
magis testimonium vigilantiæ, quam omen expectat.  
Agnoscitis Symmachi verba, quibus Ille Valentin. Theo-  
dos. & Archadium Augustos olim est veneratus, sed qui-*

*Lib. X.  
ep. 35.*

bus



In præs.  
Mith.  
August.  
edit. nlt.

ibid.

bus Reverendissimas Vestras Dignitates potiori longe jure majorique merito nunc compellamus, quod strenuam adeo operam, non profani alicujus Imperii causa, sed pro sacro Ecclesiæ Romanæ Principatu, hactenus navastis. Vos enim estis qui mandato Sanctissimi D. N. Alexandri VII. ad Rheni tractum tunc Nuntii Apostolici (super quem nunc sint preces & pax in Castello Gandolphi) ex armamentario vestro primi protulistis tela novæ planæ fabricæ, ac Priscis Mortalibus incognitæ, *AUXILIUM* nimirum *SCUTUM*, & *GLORIÆ GLADIUM*, quæ quanto terrori fuerint Protestantibus, Evangelicis, Reformatis (quibusvis tandem censeret velint nominibus) satis constat ex altis clamoribus, atque

*horrendo ululatu*

quo Illi aerem undique complerunt. Adeo, ut circa illa ipsa tempora (agebatur autem annus fere hujus seculi quadragesimus tertius) Catti trans Taunum & Melibocum excitati ad arma fortius conclamaverint, suæque adversus Vbios, quorum sedes tunc habitabatis, præsidia locaverint, tanta cum trepidatione, ac si extremum sibi metuerent a redivivo Germanico aut Silio exitium.

Sed non ob Vestram solum *Strenuitatem* strenas Vobis Catholica Ecclesia debet, verum etiam propterea, quod nuper Calendis ipsis Januariis arma illa vestra a rubigine quidem nonnihil exesa, sed de novo expolita, Venerabilibus in Archiepiscop. Moguntino & Colonensi Pastoribus, & animarum curam gerentibus strenua loco obtulistis, simul ipsos cohortati, ut novo isto anno, novis animis Hæreticos vincant, deque iis, si minus publice atque solenniter triumphent, intra conopea saltem sua festive

festive ovantes tripudiant. Postulant enim strenarum leges, ut Donantibus *artiduen* mittantur, quandoquidem ex veteri instituto munera

*Hoc damus alternis accipimusque die.*

Quare cum doni illius usus sit omnibus communis, adeoque ad me etiam pertineat, ne inter Alios & ipse ingratus esse existimer, Vobis, *Viri Reverendissimi*, & ob publicæ salutis defensionem, & ob eximiam Vestram liberalitatem, munusculum aliquod offerendum judicavi; non sane *auro ductum*, cum pro coenobitica nostra paupertate *divitis metalli honore non gaudeamus*, sed, qualem tenuitate mea proficisci potest, charitativum istuc, quo nonnullas consignavi nuper a me coeptas Vobisque inscriptas Catholicæ Fidei demonstrationes.

In quarum serie, ut ad ipsam rem accedamus, ex instituti nostri ratione nunc sequitur

## PROPOSITIO II.

*Ad obtinendam salutem, sive ad Regalem Pontificatum Romæ stabilendum atque conservandum opus est præter religionem Naturalem alia, quæ supernaturalis dicitur.*

## EXPLICATIO.

Quod per *salutis adeptionem* nihil aliud significetur, quam *Regalis Romani Pontificatus stabilimentum*, ex *Prop. I* aperte constat. Unde & nos vocibus istis eodem sensu promiscue utemur, id quod hic semel inuuisse sufficiat.

D. f. un.

Per *supernaturalem* vero religionem intelligimus illam *dogmatum ac rituum congeriem*, quæ non ex *communi atque omnibus usitato Rationis dictamine*, sed ex *communi atque omnibus usitato Rationis dictamine*, sed ex *singulari aliqua & immediata Numinis revelatione uni alicui vel paucis Mortalibus innouisse*, atque ab iis ad alios *propagata esse* dicitur. Quam descriptionem si conferas cum *des. un. prop. 2.* facile intelligis, quodnam inter utrumque religionis genus sit discrimen. Enimvero & hanc, quam *supernaturalem* dicimus, *civilem* quoque nominare possemus: vel enim ad civitatem solum constituendam atque conservandam est excogitata, vel, si Ipsum Deum revera Autorem habeat & ad sublimiorem æternumque finem destinetur, non minus tamen huc conducit. Ne dicam quod legibus civilibus observantia ejus ut plurimum imperetur, adeoque & illo sensu *civilis* dici possit. Ista tamen appellatione, quoniam nullam Audientibus ingerit religionis venerationem, abstinere maluimus, quemadmodum & voce *præternaturalis*, utpote quæ nescio quid alienum & odiosum sonat. *Supernaturalem* igitur diximus, vocabulo ex nobiliori particula composito, quodque menti nostræ augustiorem quandam ideam imprimat.

DEMON-

## DEMONSTRATIO.

Quoudoquidde*m ex Prop. 1.* ad Sacri Imperii constitutionem necessaria est aliqua religio; Naturalis vero *ex Prop. 2.* non sufficit, oportet utique, ut in hujas opem atque supplementum altera illa accedat, quæ supernaturalis dicitur. Id quod erat demonstrandum.

Simplice illo, quem Natura omnes edocuit, cultu vix ulla unquam Civitas contenta fuit, sed semper eum vel ceremoniarum illustravit splendore, vel novorum dogmatum accessione adauxit, five illa ab Aliis tradita acceperit five suopte excogitarit ingenio: adeo ut si universalis omnium Hominum consensus ad veritatem aliquam stabiliendam sufficiat, hinc quoque firmiter concludi possit, supernaturali aliqua opus esse religione. Quod si autem solennior illa atque operosior cultus divini Pompa ad quamcumque Remp. conservandam requiritur, nemo ita stupidus fuerit, quin pervideat, quantopere ea ad nostrum Imperium sit necessaria, utpote quod totum quantum est, in sacri choragii institutione, defensione atque amplificatione consistit.

## PROPOSITIO IV.

*Religio illa supernaturalis ita debet esse comparata ut ex se, & principiorum suorum natura ad salutem collineet.*

## EXPLICATIO.

Duo sunt *mediorum* geuera, alia *ex se* & *suo ingenio* ad scopum aliquem feruntur, alia vero *præter suam naturam arte* quadam eo intorquentur. Illa plana sunt, nativa, genuina, recta, hæc violenta, artificiosa, fucata, obliqua: illa proinde faciliora ac firmiora, hæc difficiliora ac lubrica, & quæ, si maxime ad institutum nostrum inflectantur, ex improvise sæpe nos desistunt & ad Naturam suam subito recurrunt. Quandoquidem autem, ut in scholis loquuntur, *Mediorum bonitas in relatione & sufficientia ad finem unice consistit*, urpote a quo illa & amabilitatem omnem & ordinem & mensuram accipiunt, necessario colligitur, ea perfectissima esse atque optima, quæ ab ipsa natura interni que principii ad finem aliquem obtinendum sunt destinata.

Hypoth.  
Onto  
soph.

## DEMONSTRATIO.

Cum *ex prop. 3.* religio supernaturalis sit medium ad salutem necessarium, *ex hypoth. autem Ontosoph. hujus Prop.* illa mediorum sint optima, quæ suapte natura ad finem aliquem feruntur, consequitur necessario talem religionem supernaturalem statuendam esse, quæ ex se & principiorum suorum genio ad salutem tendat. Id quod erat demonstrandum.

PRO-

## PROPOSITIO V.

*Ubi igitur per Antecessorum sive inscientiam & imprudentiam, sive malitiam, sive contraria nobis studia, jam aliqua supernaturalis religio invaluit, quæ ad nostram salutem non conducit, deleri eam oportet.*

## EXPLICATIO

ET

## DEMONSTRATIO.

Cum vel *Ramistarum* tyrunculi norint media non esse nisi propter finem, adeoque & hoc sublato illa tolli, ampliori explicatione aut demonstratione non est opus.

Certe hæc non ignoravit, quantumvis rudis cætera atque indoctus ille *Camelarius Muhammed*, qui ex *Chadigæ* amoribus imperium quæsiturus curculionis sui pretium, cum & veterem æmulorum suorum tribulium *Koreischitarum* idololatriam, & *Sabæorum* religionem, & superstitionem *Judæorum*, & *Christianorum* fidem  
ab insti-

ab instituto suo diffidere animadverteret, omnia illa abolevit, aliumque substituit cultum ex superioribus commixtum ac novis adauctum dogmatibus. Neque alio fine abdicata illa Muhammedis doctrina, Persæ recentius prophetantem *Alim* hodiernum sequuntur, nisi quod communem inimicis imperiis cultum periculosum fore credant, consultiusque existiment inter Ipsos *intergerinum* ex interpolata saltem religione *parietem* statui.

Sed quid opus Infidelium recensere exempla, cum Deum Ipsum Autorem in hac causa laudare possimus? Is enim, cum suam in Israele Theocratiam per Mosen esset erecturus, non Idololatriam solum & rectæ Rationi dissentaneas opiniones ritusque delevit, verum etiam ipsorum Noachidarum, admiranda *Seldeni* industria nobis nuper restitutam, religionem novis præceptionibus ceremoniisque cumulavit, eumque præscripsit cultum, cujus singula capita, licet ad mysticos fines referrentur, *Rationi* tamen *Status* quam maxime inservirent. Sed quam ipsam religionem utut Divina autoritate stabilitam multisque miraculis atque prodigiis formidabilem Jeroboamus postea non parum immutavit, quando ex decem a Juda avulsis tribubus novum imperium constituturus, sedem quoque religionis novam constituit.

Verum de his, ubi *superiorum indulgentia* optatum mihi meoque genio conveniens otium nancisci potero, animus est aliquando fusius differere, desumpto tractationis argumento ex *Maimonidis More Hannev. part. III. cap. XXVI. & Disput. Regis Cosarcorum part. IV. §. 13.* quem utrumque librum, si animus forte horret *Reuchlinistico* ab Academia vestra jam olim damnato charactere exaratum



exaratum perlegere, in Cœnobii nostri Bibliotheca habemus, lingua (ab *uestro* *servitio*) Latina expressum a Celebratissimo inter Judaizantes Calvinistas interprete *Buxtorfio* Filio, nuper quidem denato, sed cujus & propriam & paternam gloriam in Nepote ubertim reviviscere narrant semi-hæretici *Flavignii* nostri discipuli, adeo ut si quis fortean inter legendum occurrat scrupulus, superstitem sciatis qui omnem possit eximere.

## PROPOSITIO VI.

*Illa igitur religio supernaturalis, quæ ad salutem non conducit, quam ocysissime uno impetu & aperta vi destruat, modo id tuto & commode fieri possit: sin, carptim ac sensim lentisque artibus immutetur, servata semper eadem externa specie, donec ad salutem comparandam sit prefecte qualificata.*

## EXPLICITIO.

Duplici potissimum ratione aboleri aliquid potest, vel manifesto scilicet atque violento molimine, vel occultis in-

tis insidiis tacitisque progressibus. Prior ille modus com-  
 modissime adhibetsqur, quando ea, quæ deleta cupimus  
 paucis iisque solidis & in omnium oculos incurrenti-  
 bus partibus consistunt, ita ut nec varios admittant  
 gradus, nec diversis sese habeant modis, adeoque parti-  
 cularim dissolvi & occulte labefactari vix possint. Ist-  
 hæc consultum est uno ictu dirui atque simul tota sub-  
 verti. Si enim eorum ruinam lenta opera ac leviori  
 brachio moliaris, frustra eris, nec quicquam efficies  
 nisi quod intempestive consilium Tuum prodes, Alios-  
 que excitabis, ut primo statim limine Te tanquam Cor-  
 ruptorem & Novatorem inclament, & omnia curiosius  
 observent, & ad validius Tibi resistendum instrumenta  
 congerant. Verum ibi ante omnia accurate Tibi erit  
 perpendendum, an iis sis instructus auxiliis iisque præ-  
 fidiis munitus, quæ rebus uno impetu evertendis & ad-  
 versis omnibus opprimendis atque frangendis sufficiant.  
 Quod si enim tantæ vires Tibi non suppetant, alteram  
 tentabis viam, qua laneis pedibus suspensoque gradu  
 ac velut per cuniculos ad institutum pervenias. Atque  
 hæc posterior via maxime ineunda est, tum quando ea,  
 quæ abolitum imus, ex plurimis patribus constant, iis-  
 que & variis & minus conspicuis & quæ & augeri &  
 minui & intendi & remitti, & multis modis commisce-  
 ri, adeoque varie se habere possunt, ita ut licet revera  
 immutentur, in eodem tamen statu permanisse vel  
 saltem ab eo non multum recessisse vulgo videantur.  
 Nam si cunctas illas partes simul commovere, iisque  
 omnibus una opera novas substituere velis, fieri non po-  
 test, quin turbas concites quam maximas, summamque  
 inducas confusionem, ex qua vel nunquam eluderis,  
 vel cum ignominia pedem cogaris referre, vel denique pesti-

Pestilentissimum Tibi confles invidiam. Estque hoc imprimis observandum, quando ea, quæ evellere conaris, jam altas egerunt radices.

*Et jam per longas invalnere moras.*

Ut enim semper alias, ita hic maxime mutationes vehementes atque subitanæ sunt periculose, unde & in *Propositione* nostra diximus, religionem supernaturalem, quæ jam inolevit, sed ad nostros usus est inepta, uno impetu debere quassari, **MODO ID TU-TO ET COMMODE FIERI POSSIT**, sin, alteram insiste viam tutiorem longe & non rebus solum, sed & Hominum ingenio magis accommodatam. Ita enim a Natura comparati sumus, ut blande induci & circumveniri malimus, quam aperte cogi, & lenitatem quamvis insidiosam atque fallacem lubentius admittamus quam vim manifestam; Quin etiam ubi nobis imprudentibus negotium ad finem est perductum, licet postea nos deceptos deprehendamus, solemus tamen ut plurimum præsentis rerum statu conqiescere potius, quam pristina magna cum difficultate dubioque eventu revocare.

Continet autem posterior isthæc methodus duas præceptiones, quarum altera, *ut sensim atque oculis res immutentur*, altera, *ut earum eadem retineatur externa species*. Quæ duo si recte observentur, incredibiles producant fructus, & qui ipsam, si *D. Aquinatem* audias, summi Numinis Omnipotentiam excedere videntur. His enim efficitur, *ut partibus singulis, tandemque omnibus sublati, totum nihilominus integrum permaneat*, quo contradictionem tamen implicari *Thomistæ* atque *Occamistæ* ad unum omnes docent, uti a meo beatæ memo-

riæ Præceptore D. N. de Racomis in Coll. Navarrae me olim audire memini. Verum nos, Scotistas sequimur, tum & eos, a quibus potius, quam a Theologis Catholicæ religionis defensionem in posterum sperandam esse docuistis, JURISCONSULTOS. Ita enim

IN EXAM.  
p. incip.

*Alfenus l. 76. ff. de judiciis. Proponebatur, ex his Judicibus qui in eandem rem dati essent nonnullos causa audita excusatos esse, inque eorum locum alios esse sumptos, & querebatur singulorum Judicium mutatio eandem rem, an aliud iudicium fecisset. Respondi, non modo si unus aut alter, sed & omnes iudices mutati essent, tamen & rem eandem & iudicium idem, quod antea fuisset, permanere; Neque in hoc solum evenire, ut partibus commutatis eadem res esse existimetur, sed & in multis cæteris rebus. Nam & legionem eandem haberi, ex qua multi decessissent, quorum in locum alii subjecti essent, & populum eundem hoc tempore putari, qui abhinc centum annis fuissent, cum ex illis nemo nunc viveret; itemque navem si adeo sape refecta esset, ut nulla tabula eadem permaneret, quæ non nova fuisset, nihilominus eandem navem esse existimari. Quod si quis putaret partibus commutatis aliam rem fieri, fore ut ejus ratione nos ipsi non iidem essemus, qui abhinc anno fuissetus, propterea quod, ut Philosophi dicerent, ex quibus particulis minimis constitueremus, hæc quotidie ex nostro corpore decederent, alique extrinsecus in earum locum accederent. Ubi Glossatores monent, hoc obtinere in iis quæ successive, & per patens, non vero simul tota mutantur.*

Atque idem novi Metaphysicorum Doctores, ipsique etiam Heretici tradunt, quorum omnium instar nobis erit Clauberghius Vir duplici quidem hæresi, & Cartesianismo nempe & Calvinismo infectus, eoque duplici nomine,

mine, modo *Tutoburgensium* sepulcreta in nostra potestate essent, comburendus, sed Amplissimo tamen nostro *Clericlerio* & Amicissimo *Rouas* ob singulare ingenii acumen & orationis perspicuitatem multum laudatus.

Ille igitur *Ontosoph.* §. 294. *To'a*, inquit, *hac disputatio de eodem ac diverso potius ad modum cogitandi & loquendi pertinet, quam ad res ipsas in se spectatas. Unde sapientum & vulgi non eadem hac de re sententia & oratio, imo nec eadem sapientum inter se: quemadmodum eum ex aliis constat exemplis, tum ex illa Philosophorum disputatione de nave Thesei, quæ legitur apud Plutarch. in Theseo.* Edit. ult.

§. 295.

Si non simul & semel, at paulatim & sensim sit mutatio facta, atque ita vix animadversa, res plerumque dicitur eadem. Sic ignis, qui (ut bene *Aristot. lib. de Fuvent. cap. 5.*) fluminis instar perpetuo gignitur & fluit, quæquam id præ celeritate nos lateat, idem tota nocte putatur, si continuo foveatur alimento. At si exstinguitur ignis semel totus ac postea denuo exsternitur, alius esse perhibetur. Si navis alicujus partes omnes eodem tempore destruantur, alia numero esse dicitur, quæ ejus loco e novis lignis exstruitur. At si per partes reficiatur navis & plurimum denum annorum decursa tota mutetur, non pauci homines eandem esse judicabunt; exemplo navis Thesei, in qua postremo veteris ne una quidem tabula supererat. Hæc identitatis ratio tota ab incuria & inconsiderantia nostra pendet, utpote qui mutationem sensim & paulatim factam, etiamsi non minor sit ea, quæ simul & semel contingit, pro nulla fere habemus.

## §. 296.

*Licet omnia accidentia externa, quae incurrunt in sensus, mutantur, dummodo maneat invariatum aliquod fundamentum, saepe res eadem esse censetur. Exemplum habemus in cera liquefacta & fervida respectu consistentis & rigide, in qua sensibilia cuncta variantur. Sed manet extensum & mutabile subiectum, certis proprietatibus cerae essentialibus praeditum.*

## §. 297.

*Si manserint partes principales, licet minus principales pereant, totum indicatur idem. Ex. gr. si eadem vocetur domus, cuius fundamentum & muri conservantur, quamvis reliqua omnia destruantur.*

## §. 298.

*Si vel tota mutetur materia, dummodo forma quaedam eadem conservetur, totum haud raro dicitur idem permanere. Ex. gr. eadem civitas vel Academia nunc putatur quae ante centum annos, quamvis alii nunc existant omnes cives, quam tunc fuere. Quid autem nomine FORMAE in talibus intelligendum sit, generali conclusione vix definiri queat. Nam si civitatem eandem dicas, quia eadem iura & privilegia & ordinem & locum retinet, non tamen illi vel omnibus vel plerisque mutatis diversa illico putabitur. Academia manent eadem licet illo transferantur, ut sit tempore pestis aut belli. Civitas potest ex urbe egredi.*

## §. 299.

*Omnis igitur identitas, qua rebus tribuitur, requirit aliquod fundamentum, quod vel revera vel apparenter maneat immutatum. Unde & ipsa vel vere vel apparenter talis, vel secundum esse vel secundum dici tantum.*

Miraremini procul dubio, *Viri Reverendissimi*, quod *Metaphysicis* istis observationibus tamdiu immoramur, nisi Vos ipsi exploratum haberetis, hic totum sacrosanctæ Monarchiæ mysteriosum latere fundamentum, atque his incunabulis ab ineunte Ecclesiæ ætate ceptum fuisse magnum istuc monstrum ali. Quare omnino operæ pretium existimo, ut hisce meditandis animum quam diligentissime advertamus, certo persuasi, quo penitius ista intellexerimus, eo felicius atque expeditius in reliquis omnibus nos esse versaturos. Neque in religione *relâtescenda* quicquam obveniet difficultatis, modo ex istis principiis artem simulacra condendi & larvas conficiendi vel mediocriter addiderimus. Cui rei magnam asferre potest facilitatem, quod artem colores obducendi & fucos faciendi jamdudum utilissima industria ac summo humani generis commodo in certum præceptionum systema concionatam habemus, ad cujus quoque usum minori labore nobis comparandum exempla in omni humanarum actionum genere occurrunt quam plurima, quæ imitari possumus, quando & ipsa rerum Natura & Hominum ingenia varias nobis suggerent opportunitates.

DEMON.



## DEMONSTRATIO.

Cum *ex Prop. V.* ea religio, quæ ad salutem obtinendam non est idonea aboleri debeat; *ex his autem quæ modo explicato sunt*, aboleri non possit nisi vel *vi* vel *arte*, necessum est alterutrum modum pro temporum & locorum aliarumque rerum conditione adhiberi, id quod erat demonstrandum.

Verum plura alias. Jam enim tabellarius urget. Ita valete in Domino. *Parisi. e Conv. maj. Cal. Januar. A. a beatæ Virginis puerperio c Iō Iō c Lxvii.*

*[Faint, mostly illegible text, likely bleed-through from the reverse side of the page. The text appears to be a Latin treatise or letter, discussing religious and philosophical matters.]*

**JANI**

*[Faint text, likely bleed-through from the reverse side of the page.]*

(47)

JANI ALEXANDRI FERRARII

Cœnobitæ Augustiniani

De

CATHOLICÆ FIDEI

Utilitate atque Necessitate.

EPISTOLA QUINTA,

Ad Reverendissimos Viros

ADRIANUM & PETRUM

DE

WALENBURCH.

VIRI REVERENDISSIMI.



Ristem BREVINGII Scholastici vicem ex animo doleo. Curavi jam hodie pro salute Ejus ad D. Mathurini Scholasticorum omnium Patroni pulvinaria rite adorari, & sacra celebrari quam solemnissima. Audiveram quidem antehac sæpius ipsum *καταπονετα* laborare, nesciebam tamen eo devenitum, ut Bona Mens Eum perpetuo deficere. *Guidonem* nostrum consului, Medicum, ut nostis, experientissimum, & qui Vos verbis suis quam officiosissime salutare jussit. Egroti nomen subitici, morbum tantum exposui ejusque symptomata. Juberet Ille *mediam pertundi venam*, tum eam adhiberi medicandi methodum, quam *Stentorea* laborantibus præscripsit *Fabritius Bartoletus*. Adivi & alium Medicum, qui morbum istum in simplici ingenii marasmo consistere putat, veretur tamen ne in *catalem* adeoque incurabilem cerebri cachexiam quam proxime devertat

*Morb. in  
Dyspœnam  
sive dere-  
spirat.*

devergat. Ego meliora sperarem, modo vel semel Ipsi daretur ad se redire, Præsens forte esset medicamentum illud, quod vulgos nostrum *Anti-monie*, Latino-Galli *Anti-monachum* vocant, & quod ab Hæreticis quibusdam accuratissime præparatum esse intelligo. Neque enim, credo, religio Ipsi erit, ab Hereticis salutem petere, quam vel a Judæis Christiani receperunt. Verum hic sisto, neque Amicissimi Hominis fato jam Vos abunde affictos insuavioribus literis diutius detinebo. Dialogum mitto, quem heri ex Italia accepi, de quo quid sentiatis, quam primum mihi significetis, rogo. Paris, ex Conventu majori Cal. Maiis, c 15 15 c L X V I 1.

## D I A L O G U S

inter

*Sonam & Rophæum.*

*Sona Ec-  
clesia Ro-  
mana.*

*Roph.*

**P**ericuloso Te morbo laborare audiui, Bellissima Sonæ, unde huc accessi, ut pro ea animi devotione, qua & Parentem & Sponsum Tuum colo, mea Tibi officia Medicamque opem offerrem.

*Sona.*

De Tua quidem in me benevolentia gratias Tibi debeo, Experientissime Rophæe, sed ut ista de causa ad me venires, nihil era opus. Iniquam adversus me famam spargunt Homines Invidiac Malevoli, eosque inter sceleratissimi Transfugæ *Rethulus* & *Ufnulla*, quos ego mecum si haberem, adeo depexos darem, ut

*Αυτοψα-  
ματικῶς.  
Roph.  
Sona.*

Ne quæso irascaris, Dulcissima Dominæ.

Ecquis æquo etiam animo ista possit preferre? At nunquid ipse, mi Rophæe, & ex facie mea & ex totius corpo-

ris

ris habitudine cognoscis, me quam pulcerrime valere?

Liceat, quæso, tua cum venia libere & aperte dicere Roph.  
 quæ sentio. Puellula cum esses, minus quam nunc vide-  
 baris formosa. Nam & facies Tibi nigricabat quasi *solibus*  
*perusta*, & ex crebra *εισρηγία* corpusculum Tuum maci-  
 lentius erat & aridius, necdum comptulos istos habebas cin-  
 cinnulos, neque gestibus inerat lascivior illa agilitas, ne-  
 que extremum accesserat decus, non purpura, non palla  
 auro intexta, non gemmis fulgida, sordidam videre Te  
 memini & pannosam, longe infra dignitatem Natalium  
 Tuorum dignitatisque Hymenæi. Jam vero Te habi-  
 tiorem ac superbiorem video. Vultus Tui blandiores ille-  
 cebæ, & frons generosior, & elata incessus majestas, &  
 nitidior corporis cultus, & vestium splendor, & supelle-  
 stilis apparatus, & ebore istuc atque auro renidens lacu-  
 nar oculos omnium adventantium mentemque ita per-  
 stringunt, ut Divæ instar hic sedere videaris. Verum ista  
 domnia integram valetudinem hauquaquam promittunt.  
 Non nescio proprium esse foeminarum laudari velle, me-  
 que Tibi visum iri inurbanum admodum & invenustum,  
 quia vitia Tua in os Tibi ingeram. Verum & Medici &  
 Amici officium me, spero, reddet excusatum. Quando  
 igitur Te propius contuero, fucata omnia (ingenue di-  
 cam) & ascititia comperio, nec nativum pulcritudinis  
 florem neque vegetum corporis deprehendo robur. Ocu-  
 li ipsi nescio quid veneni spirant & tabe quadam infectos  
 emittunt radios, istaque emplastra, quibus faciem hinc  
 inde distinxisti, non tam nitorem ejus commendare vi-  
 dentur, quam maculas tegere & morbi occultare indicia,  
 neque est quin videat purpureum istum immixtum candi-  
 do colorem cerussæ potius & minio quam efflorescenti  
 sanguini deberi. Signa porro adsunt manifestissima, ex qui-  
 bus foeda Te lue infectam suspicor. Cedo igitur, ex quo  
 tempore Te morbus incefferit. K Qua-

Sora.

Quasi horam notaverim.

Roph.

Neceſſe eſt utique tempus deſignes ex quo cœpiſti laborare, ut intelligam recens an inveteratum ſit malum.

Sora.

Cedo igitur & Tu, Bone Senex, qua hora cœperis adeo moroſus eſſe & importunus. Ecquo momento cœpiſti ſeneſcere?

Roph.

Eo ipſo quo naſcebar.

Sora.

Qui fieri potuit, ut adoleſces ſimul ac ſeneſceres, cum duo iſthæc ſibi ſint adverſa?

Roph.

Mitte argutari. Jam aliud agendum iſtat. Sed quid rides?

Sora.

In mentem venit diſputatio *Septimi* Amaſii mei. Ille licet decrepitem ſit ſilicernium, contendebat tamen heri ſe ſe Juvenem eſſe. Ajebat, cum a nemine deſignari poſſit hora vel locus quo ſeneſcere & viribus deficere cœpedir, utique neminem dicere poſſe, quod conſenuerit, atque inde colligebat ſe ab Omnibus debere haberi Juvenem, & ſucculentum quidem integrique roboris. Atque iſta ratiocinatione adeo ſe reficiebat, ut collectis omnibus phantaſiæ viribus fervidius mihi iſtaret, meque arctius complecteretur, quam Venerem ſuam *Mavors*, cum *Mulciber* utrumque reti ſuo involveret, ſed mox nervum ſibi deeſſe ſenſit miſer

Roph.

Argute. Eadem ſcilicet ratione evinces Te Virginem eſſe & integræ quidem ſanitatæ, cum horam neſcias qua Te lues iſthæc primum inceſſerit, nec forte memineris, quo coitu prima ſuſceperis contagii ſemina.

Sora.

Fateor me iſta in Calendario non ſcripſiſſe, neque ætatis ejus recordari, qua Virgo fuerim aut eſſe deſierim. Nam & *infans cum paribus inquinabar, & ſubinde prodeuntibus annis, majoribus me pueris applicui, donec ad hanc ætatem perveni. Vitulum puella ſolebam tollere, quo facilius adulta ſaurum ſuſtinere poſſem.*

Roph.

Et tamen vel ſanctiſſimis Veſtalibus videbaris ſanctior.

Vultum

Vultum sane ad modestiam & pudorem ita didiceram componere, ut vel astutissimos Censores sefellerim. Non secus atque *Aretini Nanna*, quæ virginitatem suam sæpius vendidit, *che non vende un di questi pretacci la mess a novel- la, attaccando per ogni cita police a le chiese del suo cantarla.* Rag. on. part. 1. giorn. 3.

Verum ediffere, quod modo in istam vivendi rationem incideris, cum & nata fueris Patre sanctissimo, & destinata Sponso Nobilissimo, & educata singulari cura atque solitudine. Roph.

Nosti, Amicissime Rophæ, Natales meos, & quo pacto sponso meo primisannis a Patre fuerim tradita, ut ad Ipsius ingenium luitumque educarer. Nosti quo animo Ille ad Patrem abierit, non p ius quam ad perfectam ætatem pervenisset ad me rediturus, meque deducturus domum. Antequam discederet, mihi singulisque meis sororibus Pædagogos præfecit, quorum cura & vitæ exemplo ad Pietatem & Castitatem excitaremur & diversis instrueremur linguis, unde factum, ut *sororum mearum alia Grace, alia Persice, Arabice alia, alia Æthiopice loquatur.* Noluit eodem nos loco cohabitare, sed diffitis educi provinciis, sub *unius tamen ferre Tutoris* imperio, qui & Bona nostra omnia administraret & supermam in Pædagogos haberet potestatem. Vir ille erat ferocis ingenii, & qui me sororesque meas durissime habuit, sive ex occulto *Parentis nostri* mandato, qui rigidiori disciplina pudicitiam nostram custodiri & lasciviam coeuereri voluit, sive ex nativa quadam sævitie & concepta erga nos malevolentia. Habitabat tunc temporis *Valentie*, ubi & ego educabar. Quare sorores meæ, quando negotii aliquid apud Tutorem nostrum peragendum habebant, *Pædagogi mei* cura atque opera & mea commendatione utebantur, unde multum Ipsi præ reliquis accessit autoritatis,

atque ego quoque licet natu minor, germanas tamen omnes temporis progressu facile antecessi. Habebar equidem durissime, adeo ut quamvis a multis tentarer, ipsa que ad libidinem sponte profusa essem, non nisi clanculum tamen lascivire licuerit. Curabar scilicet eodem modo, quo *Boccalinus* Noster docet ab Hispanis mortificari equum Neapolitanum, *che molte volte in un tempo medesimo piu tosto ha voluto esser cavalcato da due Regi che da un solo*. Sub severiori ista disciplina jam tertium exegeram ætatis lustrum, quando demortuo primo Tutori successit alius, *Magnus* scilicet ille, quem nosti, *Quadratus*, Vir mihi sororibusque meis indulgentissimus, quique nobis ac Pædagogis nostris ea concessit quæ Pater & sponsus concessa noluerint, ut ab eo tempore rescivi. Pædagogi vero mei artibus ita delinitus fuit, ut *Valentia relicta* & domicilio *Zantybium* translati, Ipsum suomet meque Ipsius arbitrio fere commiserit. Ibi cum Tutoris metu minus contineremur, suavius longe & familiarius vivere cœpimus, meusque *Pædagogus divitiis*, quas administrabat, indies accumulatis, & crescente autoritate atque potentia elatus, ausus est de nuptiis me publice sollicitare meque ultima amare linea. Jactabat, sponso absente, me Ipsi propriam esse, eamque in rem Parentis mei laudabat testamentum, quod parce mihi lectum Ipse in suum usum explicabat. Sæpius ad me conversus, si quis, aiebat, Sponsi Tui erga Te amor esset, si conjugii inter vos initum fœdus maneret ratum, non Ille peragere ad Patrem ivisset, neque per tot annos hic Te destituisset solam, neque tam sævo Te prius commisisset Tutori, neque tam acerba Te jussisset premi servitate, neque tam duras fixisset leges, quarum observantiam ne a vilissimo exegerit mancipio Dein quam gravis ille & incommodus, quam prodigiosus & ri-



& ridiculus est habitus quo Te, ad ludibrium credo indupi. E. h.v.  
voluit? *Cinctorium Veritatis, Thoracem iustitiæ, calceos  
præparationis Evangelicæ pacis, scutum fidei, galeam sa-  
lutis & gladium spiritus* vult esse nuptialem Tuum ami-  
ctum. Quis alius post hominum memoriam sponsus Ama-  
fiæ suæ talem destinavit ornatum? Quin *bysus* Tibi con-  
venit, & *pupura & coccus, & aurum & pretiosi lapides &  
margaritæ.* Hæc Tuæ sortis puellam decent.

Apoc. xvii

Idem sane Tibi accidit, quod nuper *Scarronius* amicus  
noster ex Galliis ad me scripsit obtigisse *Lauræ* cuidam  
nobili fœminæ Hispanæ.

Raph.  
Les pré-  
cautions  
inutiles,  
Soc.  
No. b.

Recita historiam.

Est inter regni Proceres *DON PEDRO*, Vir & inge-  
nio & rerum usu perspicacissimus, muliebrium imprimis  
artium & quam lubrica Ipsarum sit & fides & castitas per-  
quam gnarus. Is Lauram formosissimam puellam extra  
Virorum consortium Monasterio inculsam & rigidissimis  
legibus constrictam curavit educari, donec ad decimum  
sextum ætatis annum pervenisset, quo eam sibi despondit  
domumque duxit. Illa non minus *Simplicetta* quam *Al-  
baspina* nostra apud *Marinum*, quid luxuriæ esset, pror-  
sus nesciebat. Edicit Ipsi *Don Pedro*, conjugalem hone-  
statem in eo consistere, ut tota cataphracta, galeata, gla-  
diata, hastata decumbenti Marito integras noctes adesset,  
ac suaviter dormienti advigilaret. Præstat illa obsequium,  
cujuscunque alius *Evoyez* aut voluptatis ignara, dum paucis  
post diebus *Don Pedro*, in aulam avocatur. Relictam do-  
mi solam interim invisit Vir nobilis vicinus, intelligit Ma-  
riti institutum, ridet & diversam longe jucundiorēque  
conjugii rationem docet. Redit *Don Pedro*, & toro se  
commisurus novam uxoris scientiam miratur, quæ ga-  
lea & thorace neglectis, se alium plane & faciliorem sua-  
viorem-

1. Cor.  
vii. 3.

vioremque Marito utendi modum edoctam esse gloriatur.

SOLA.

1. Petr.  
III.

Apposite. Nam & primus infantiae meae Informator Petri habebat nomen, & consimilia dictabat, difficilia & ingrata, nimirum *ornatum meum non debere esse exteriorem in capilli cincinnis & auri circumpositu aut palliorum amictu situm*, meque beatam deprædicabat, quando propter *justitiam multa p.terer incommoda*, & suppliciorum sponsi mei devenirem consors. Verum ista ceu inepta & absurda derisit recentior Pedagogus meus meque docuit, *aliam jam etatem esse, alios proinde postulari mores*: me neque *pristinis etiamnum elementis subjectam*, neque *infantem esse quæ a serva nihil differat, sed emancipatam & a veteri liberatam jugo*. Unde etiam cavit, ne Eorum, qui ipsum præcesserant, Præceptorum, *Piedri & Poali* epistolas ac monita ultimave sponsi mei mandata crebrius aut attentius perlegerem. Imo Hujus memoriam, quantum poterat, ibat deletum, ut ne quidem in solemnibus Cœnis vinum, in ejus recordationem, gustare mihi licuerit.

Gal. IV.

Roph.

2 Cor. XI.

Scilicet hoc erat, *Uni Te Viro despondere Teque castam ad Ipsum adducere Virginem*. An vero nunquam subbiit Eum de perfidia, quam in Dominum suum committat, submonere?

SOLA.

Sæpiusculæ quidem. Verum Ille solebat respondere nihil a se mali patari posse: duo cum idem faciunt, idem non esse; aliam esse rationem Hominum *Mundanorum* sive *secularium*, *che non hanno autorità di maneggiar le cose sacre*.

Roph.

Memini, idem responsum nuper sorori *Marina* datum a *P. Francesco nel parlatoria delle Monache fenestra 2.* Sed quid ad hæc sorores Tuæ earumque Pædagogi: nunquid istam tecum familiaritatem perceptamque inde voluptatem Ipsi invidabant?

SOLA.

Imo maxime. Cumprimis *Zybantinus*, qui stabilito apud

apud se Tutoris domicilio magnam quoque sibi autoritatem conciliarat. Sed variis artibus, quas nimis longum foret enarrare, prævaluimus tandem, idque imprimis beneficio multarum litium & gravissimorum malorum, quibus adeo impliciti, vexati & turbati fuerunt Tutores nostri (primo enim demortuo plures habuimus) ut Ipsis neque otium neque animus esset nostra negotia curandi neque etiam vires continendi nos in officio. Imo eousque deventum, ut Pædagogus meus, obtentu mandati a Patre missi, in ipsos Sutores summum quæstiverit imperium; neque minus sibi potestatis asseruerit quam Ipse Pater aut a Patre mihi datus sponsus.

An nullæ vero inde obortæ sunt querelæ?

Rapb.

Multæ quidem. Quin & sæpius Pater Legatos misit, qui Amasii mei insolentiam reprimerent atque castigarent, Verum Hic eos vel muneribus suis corruptit, vel si corrumpere non potuit, reos peregit quasi Impostores ac Perduelles, eaque Juris specie diris suppliciis curciatos e medio sustulit.

Son. 1.

Sed an ista latere diu possint?

Rapb.

Nequaquam sane. Jamdudum enim nuncium accepi de Sponsi adventu, qui omnia sit cogniturus & judicia exerciturus quam severissima. *Paulum Secretarium* Ejus incognito jam advenisse, & in mores meos & Pædagogi vitam curiosissime inquisivisse ex *Pallavicini* nostri relatione cognovi.

Son. 2.

Quin Medicos igitur advocas in tempore.

Rapb.

Sane jam multi adfuerunt, & sponte quidem sua. Frustra omnes, cum & Ipsi omnes de medendi ratione inter se diffideant. *Ussulca* & *Rethulus curam per hydrargyrum* suscipi, & *emetica* ac *sudorifera* adhiberi præceperunt, quibus quicquid a multo tempore recepissem evomerem atque exudarem. *Sarmeus* & *Crendassa* methodum istam pericu-

Son. 3.

pericu-

periculosam nimis & violentam esse arbitrati, mitiorem viam ineundam esse dixerunt, sed quam Ipsi nescierunt definire. Alii alia præscribunt, & quot capita tot sensus. Sunt qui putant, quodvis validum remedium cum præfenti mortis periculo fore conjunctum, adeoque consultius esse nihil movere. Collegium vero Medicorum, quod nuper Prædagogus meus in urbe *Mentirdnt* conscripsit, præter omnium opinionem uno ore me pronunciavit puram & integerrimæ valetudinis, eosque omnes decrevit *Injuriarum actione* teneri, quicumque ausint dicere meretricia me lue corruptam esse. Quod quamvis ab omnibus credi velim, Tibi nihilominus fateor me ipsam non credere. Existimo tamen venenum in inveteratis *fistulis atque ulceribus meis sicca quadam duritie ita esse constrictum atque sopitum, ut licet quis mecum consuescat, non inde me metuentum sit: let hanc con:agium.*

Fallop.

Id quidem ais, ne Amasios absterreas. Verum quid sponfus, ubi ista omnia resciverit?

Rescivit jam omnia & jamdudum de *Divortio* cogitavit, actionem apud Patrem instituit. Quæ in ea causa peracta sint, libello hoc comprehensa jam ante aliquot dies Pallavicinus mecum communicavit, etsi quæ alia agitentur me inscia, per *animam* suam se mihi mature significaturum promissit.

Paucula cum pace Tua legam. INSCRIPTIO. *L'eterno verbo risponde al Padre & significa in universale le cagioni de suoi disgusti con la sua sposa, e fa istanza di Divortio con tali concti. Il.*

Quin libellum Tecum aufer ac domi perlege, ea tamen conditione ut restituas, neque cuiquam alii.

Intelligo. Sic igitur, quantum potes, vale, dum rediero.



JANI ALEXANDRI FERRARI

Cœnobitæ Augustiniani

Epistola Sexta,

Ad

Reverendissimos Fratres

ADRIANUM & PETRUM

DE WALENBURCH

VIRI REVERENDISSIMI;



St sane quod dixistis. Dialogus ex Italia  
nuper missus, & quem ultimis meis lite-  
ris vobiscum communicavi, Ecclesiæ  
Romanæ imaginem continet, Quis  
*Utinus* sit, vel Pueris ex *Argenide* no-  
tum; quis *Rethulus*, *Sarmenus*, *Ressandus* li-  
terarum transpositio docet, *Valentia*

*Roma* est: *Mentirdus*, *Tridentum*. Pædagogi Episcopos,  
Tutores Casarem & Reges notant. Ita omnia plana.  
Quod vero Nonnullis minus videtur conveniens, quod

H

ex

ex *Petronio*, *Arctino*, *Mileto*, quam ex sacris scripto-  
ribus, aut gravioribus Historicis dicendi rationem de-  
promserint Collocutores, id *Siderius Noster* nihil  
pensi habet. Ait enim, quemadmodum sanctarum  
Mentium familiarior cum Deo consuetudo a sapientissi-  
mo Hebræorum amatorio stilo expressa esse creditur;  
ita *animorum a Prima Veritate ac summo Bono alienatio-  
nem* obscenæ dictionis schemate ceu adulterium repræ-  
sentari. Atque eum in finem ex Codice, quem Om-  
nes sacrum habemus, tum *Ezechielis* orationem Cap.  
XVI. & XXIII. tum ipsum *Hoseæ* factum laudat. Ut  
autem illud se habeat, omnino Vobis assentior, Dialogi  
Auctorem Hæreticum esse, Romanæ nostræ Ecclesiæ  
hostem insensissimum. Quo diligentius credo esse la-  
borandum, ut coeptæ nobis demonstrationes matu-  
rius pertexantur, fideique Catholicæ fundamenta ab  
Omnibus eo conspiciantur apertius. Prioribus igitur  
jam accedit

## PROPOSITIO VIII.

*Religio, quam Christianam vocamus, prout a  
Christi Apostolis primum tradita fuit, ex se  
& principiorum suorum natura ad salutem  
est ineptissima, unde constat. Primos illos E-  
vangelii Præcones ab ipso Catholicæ Doctri-  
næ fundamento totiusque fidei scopo enormi-  
ter aberrasse.*

EXPLI-

## EXPLICATIO.

Annus jam agitur supra millesimum sexagesimum sexagesimus septimus (si incerto Romani cujusdam Abbat's calculo credamus) ex quo in Judæa de regia sed pauperrima stirpe prognatus fuit Jesus quidam, cognomento Christus. Is & vitæ suæ sanctitate, & miraculis, quibus claruit, & aliis illustribus documentis se non Hominem solum, sed Ipsum Deum esse commonstravit, unde & Deorum Altissimo se dixit *equalem*, neque *rapinam aestimavit* *supremi instar Numinis se gerere*. Florebant in orbe Romano ea tempestate duo potissimum religionis genera, quarum alteram colebant *Judæi*, alteram, quos vocant, *Gentiles*. Illa a Rerum Conditor præscripta multisque prodigiis confirmata nonnisi unum agnoscebat Deum; de cœtero ingenti ceremoniarum mole laborabat, neque tam rationis ductu Populum movebat, quam Legislatoris continebat auctoritate: Hæc vero proprio Hominum excogitata ingenio, prout varia sunt Variorum figmenta, diversissimas, imo & adversas divini cultus rationes comprehendebat; quæ Omnes tamen in eo conspirabant, quod multos Deos colendos esse præciperent, neque se invicem damnarent, unde & ipsa religio, licet varia & multiplex, non minus tamen unica & simplex esse censebatur, Et Judæorum igitur operosos ritus, & Gentilium idololatriam delevit sapientissimus Jesus, omnemque religionem ad prima rectæ rationis principia simplicemque ingenuitatem reduxit. Unum solum addidit ac re ipsa exhibuit mysterium, de singulari Numinis propitiatione atque placamento, quod per ipsum Numinis supplicium mortemque peragendum esset. Quæ doctrina ex secretissimis cœlorum adytis deprompta, atque



omnibus retro seculis Mortalium generi inaudita, stupendam Dei tum Sapientiam, tum Beneficentiam, tum rigidam immortæ æternæque justitiæ observantiam mirifice illustrabat; unde necessum erat in Hominum mentibus divina gratia imbutis, & Numinis admirationem & reverentiam & amorem & obsequium & gratitudinis cultum oboriri atque confirmari. Quibus rebus universa religionis tum scientia tum usus absolvitur. Crudeli autem fato defunctus, sed ex eodem iterum eluctatus, patriasque sedes repetiturus Christus salutarem, quam Judæis potissimum exposuerat, doctrinam ulterius propagandam, & in omnes terrarum Gentes diffundendam credidit quibusdam cognatis suis & Popularibus, Viris simplicibus & ex plebis fece. Hi cum & obscuro loco essent nati, & inter salsamentarias sordes educati, & iniquiori sorte premerentur, animo dejecto & magnarum rerum incapace nihil nisi humile sapiebant. Magnifica tamen audiverant promissa a Magistro suo, quem Divinum omnino Virum adeoque minime vanum, minimeque mendacem esse habebant persuasissimum. Unde cum viderent ad ampliores fortunas aditum sibi non patere, utpote quem ipsi sua sibi *μικρολογία* atque animi abiectione intercluserant, seque, licet amplissimam Dei nomine legationem obirent, passim tamen contumeliose haberi, gravissimisque injuriis manere obnoxios, spes suas in aliud seculum referebant, & quæ ipsis impræsens denegabantur, iis post fata olim se fruituros esse somniabant, non secus ac

Nuper, Tarpeio quæ sedit culmine, cornix  
*Est bene* non potuit dicere, dixit, *Erit.*

Atque isto errore, anticipatione veluti quadam, imbuti,  
 nihil

nihil recte intelligebant eorum omnium, quæ sive Veterum oraculis prædicta accipiebant, sive a Magistro audiebant promissa. Nihil illi intempestivius importuniusque commendabant quam patientiam, tolerantiam, abstinenciam a voluptatibus, humilitatem animique moderationem, tum *crucis* quam vocant *susceptionem*, & *carnis crucifixionem*, & sui ipsius abnegationem, & mundi contemptum, & divitiarum neglectum, & verbo dicam, genii defraudationem humanæ ejurationem Naturæ. Imo docebant, gaudium ex miseria captandum, & calamitates in jactantiæ materiem converti debere. Inculcabant præterea Regibus ac Principibus obsequia præstanda, neque obtentu religionis aut sacri Ordinis privilegio, Magistratibus obnitendum, & in constitutas a Numine Potestates dominandum esse. Ita illi animos frangebant, & ab Honorum, Divitiarum, ac Potentiæ studio avocabant, præsentem Hominis felicitatem in solo Pieratis cultu atque Numinis amore constituentes. Hinc, quæ de Ecclesiæ Majestate ac splendore didicerant, ea omnia ad spirituales quandam præstantiam & internum animi decus referebant. Unde factum, ut ab omnibus iis qui in præsens sapiunt, contempti ac ludibrio habiti, quin & poenis castigati & suppliciis coerciti fuerint, de quo ipso tanquam de singulari aliquo bono solebant gloriari.

Diceres, quod Judæis attribuit Paulus, *velamen cordi ipsorum impositum* fuisse, quando Moſen alioſve Veteres Prophetas legebant, usque adeo non assequerantur temporalem prærogativam & externa privilegia Ecclesiæ, cujus debebant esse Architecti ac Pro-

c. 6. Solici-  
tiae, de  
Major. &  
obed.

Equidem sub ipsum Codicis sui initium diserre scripserat summus Hebræorum Vates, *condidisse Deum duo luminaria magna, alterum quod diei, alterum quod nocti praeesset.* Quæ verba aperte ostendebant Ecclesiæ dominium longe majus splendidiusque futurum esse Imperatoria Majestate, Ita enim Innocentius III. ad Illustriss. Constantinopolitanum Imperatorem: *N. sse debueras, inquit, quod fecit Deus duo magna luminaria in firmamento cæli, luminare majus ut praeesset diei, & luminare minus, ut praeesset nocti; utrumque magnum, sed alterum majus.* Ad firmamentum igitur cæli, hoc est, Universalis Ecclesiæ fecit deus duo magna luminaria, id est, duas instituit dignitates, quæ sunt Pontificalis auctoritas & Regalis potestas. Sed illa quæ præest diebus, id est, spiritualibus, major est: quæ vero carnalibus, minor, ut quanta est inter solem & Lunam, tanta inter Pontifices & Reges differentia cognoscatur. Subdit Pontifex, *etsi non increpando ista ad Imperatorem scripserit, potuisse tamen rationaliter ipsum increpare.* Tanto magis igitur increpandi estis, o Vos Apostoli, quanto in explicandis oraculis plus sapere debebatis, quam mundanus aliquis Regulus aut Princeps Byzantinus. Nam quod Canonici Juris Glossator addit, *cum terra sit septies major Luna, sol autem octies sit major terra, consequi quod Pontificalis dignitas quinquagies septies major sit dignitate regali, id, inquam, Vos latuisse non miror, neque adeo Vos incuso, cum profecto observatio ista ex novis ac plane singularibus principiis, nec nisi subtilissimæ Vobis ignoratæ Logisticæ auxilio, potuerit deduci.*

Exhibet idem Moses accuratissimam in *Melchisedeco* Regalis Pontificatus imaginem, quæ Petri ac Pauli successo.

cessorumque Majestatem præfigurabat. Hanc tamen neque Petrus intellexit nec Paulus. Nam & ille dignitatem, quam soli ipsi vindicatam oportuit, omnibus Christianis communem esse dixit, & cum suum in universos Mortales imperium asserere inde debuisset, contrarium plane collegit, *subiectos nimirum esse debere Clericos cuius humanæ ordinationi, sive Regi ut superminenti, sive Præ-* 1. Pet. 2. 9. --14.  
*siditis, ut qui ab eo mittantur.* Hic vero sua ad Hebræos epistola de Melchisedeci quidem sacerdotio operose multa, sed alienissima, disputavit, cum id unum exponere debuisset, se, *successoresque suos Melchisedeci prout pon-*  
*esse.* Est enim sane Pontifex, ut Patriarcham Abraham, Camp. de M. H.  
*ita ordine Melchisedec, Ipsumque Deus constituit sacer-* c. 5:  
*dotem Regalem, & utroque gladio tum Politico tum spi-*  
*rituali armavit. Secus enim si foret, Christus legislator*  
*esset diminutus, & non sicut Melchisedecus, qui Rex*  
*fuit & sacerdos simul.*

Atque eandem ignorantiam suam Paulus tum alibi passim, tum epistolæ ad Rom. Capite IX. apertius prodit. Cum enim, teste Brevingio, Escavus & Jacobus Hæreticorum & Catholicorum typi fuerint, atque ille quidem Inauscultatio  
epist. obs.  
vir.  
Lutheranos & Calvinistas afflictam pauperemque vitam ducturos, hic vero Catholicos omni opum & diliciarum genere abundaturos esse, exemplo suo portenderint; Paulus hic omnibus, quæ ad rem tamen unice faciebant, omisissis, utriusque historiam explicavit de Hominum æterna sive perniciæ sive salute, que post exutam demum mortalitatem obtingat. De quo errore eo difficilior potest excusari, quo facilius vel ex Gabrielis ad Mariam alloquio (quod procul dubio aliquoties diebus singulis recitabat) poterat didicisse, *Pontificem nostrum regnaturum in domo* Luc. 1. 32.  
*Jacob in æternum, id est, & ipsum, & omnes Ipsi addictos*  
Clericos

Clericos opime & splendide in his terris esse victuros, ut iterum argute divinavit ille, quem supra laudavimus,  
*lymphata mente sacerdos.*

I Cor. xv.  
 Hebr. II

Sed & eodem manifestissimo errore *Psalmi Octavi* oraculum ad solum Christum detorquet Paulus, cum tamen diserte legatur, *Deum omnia subjecisse pedibus Ejus*, id est, Petri & Pauli eorumque in sede Romana successorum. Nimirum ipsis Deus *Subjecit OVES*, id est, *Christianos*; *BOVES*, id est, *Judeos & Hæreticos*; *pecora campi*, id est, *Brevingium & Paganos*; *pisces maris*, id est, *animas in purgatorio*; *volucres cæli*, id est, *animas Beatorum & Angelorum*, ut vaticinabundus ista explicuit *Spiritualissimus Antoninus*.

Summa  
 Theol. Part.  
 3. cap. 5.

Illud vero omnem admirationem superat, quod rudes illi Apostoli, ne ea quidem affecuti fuerint, quæ *Esaïas* de Romani Pontificis & Catholicæ sub illo Ecclesiæ potentia atque Majestate adeo diligenter inculcavit, ut nisi quis cum illo nupero Archi-Hæretico *Coccejo* omnia in spiritualement sensum transfundere velit, fateri cogatur, ea explicari aliter non posse, quam *Illustriissimus Claravallensium Comes* non ita dudum explicuit. Ex cujus interpretatione; *Ambulabunt Gentes*, inquit Propheta alloquens Ecclesiam Romanam, *ambulant in lumine Tuo, & reges in splendore oris Tui*. Tunc videbis & miraberis & letaberis, quando divitiae maris & omnium Gentium substantia ad Te pervenerint. Filii peregrinorum adificabunt templa Tua, & Reges eorum Tibi ministrabunt. Porte tue noctes diesque erunt apertæ, ut gentium omnium nationumque divitiæ Tibi offerantur, earumque adducantur Reges. Quodcumque enim regnum Tibi non servierit, peribit. Ethnicorum Imperatorem, qui te oppresserant, successores vestigia pedum,

Scioppius in  
 ep ad Nobil.  
 Germ. de splendore  
 & divitiis Ecclesiæ  
 Iagolst. 4.  
 1655.

dum Tuorum adorabunt. Ponam Te in superbiam seculorum, id est, in secularem pompam & splendorem, & fuges lac gentium, (Chald. satlaberis Populorum divitiis) & mammilla Regum lactaberis (LXX. Interp. divitias Regum devorabis) Pro arc afferam aurum, & pro ferro argentum, & pro lignis as, & pro lapidibus ferrum Itaille Cap. LX. Quæ ipsa tamen, prout Interpretes ea vertit, clarissima verba, ambigua reddit, imo aliorum trahit & ad triumphantem Ecclesiam pessime applicat *For-  
hannes*, qui, quemadmodum ex innata quadam *luxu-  
luxia* oblatos sibi ab Angelo honores respuit, ita procul dubio neque hoc capere potuit neque illud, quod de summis Collegæ sui Petri honoribus ab *Esaia* alibi fuerat prædictum; Reges scilicet, & Regina demisso in terram *vultu* Te adorabunt & pulverem pedum Tuorum lingent. Quod non in petro quidem, utpote honorum istorum incapace, in successoribus tamen feliciter completum videmus.

Enimvero inertes isti Piscatores, si vel ad vitæ suæ genus aliquantulum attendissent, intelligere poterant, quamnam Ipsis captandæ essent fortunæ. Quid enim evidentiùs dici poterat eo quod apud *Habacucum* legerant: *Facies Homines, ut Piscatores maris, ut reptile quod principem non habet. Quantum illorum est, educet hamo, & auferet illud, everriculo suo. Idcirco latatur & gaudet. Idcirco sacrificat sagena sua & suffitum facit everriculo suo; quia per illa pinguis est portio Ejus, & citius Ejus opimum.* Hæc autem e piscatione per hamum prædicationis Evangelicæ esse intelligenda, tum parabola Eos docebat, quam ex Christi ore exceperant, tum promissio facta Petro; *Hominum te faciam Piscatorem, id est, Interprete Reginaldo Polo, Tu successoresque Tui dominationem*

tionem habebitis in omnes homines dominandi Regibus & Imperatoribus imperandi, regulandi & ejicendi non hominum tantum sed pecuniarum etiam piscationem Iplis concessit Christus, Idemque secularibus omne jus ademit in Clericorum lacubus piscandi; Reges terræ, inquit ille ad Petrum, a quibus accipiunt tributa? Non certe a nobis, sumus enim Filii, adeoque LIBERI. Sed proficiscere ad mare, mitte hamum, & cum piscem qui ascenderit primus

Tros Rutuluse suat, nullo discrimine habetor,  
Tu tolle, & aperto ore Ejus invenies STATEREM, accipe eum.

Certe,

nisi tunc Petri mens lava fuisset, non poterat non ex istis verbis intellexisse, quantum piscandi jus in se esset collatum. Verum licet ille ferociores interdum animos gesserit, fatendum est justo timidiorum adeoque rebus magnis moliendis aut sustinendis fuisse imparum. Quod si enim Ipsum omnesque Ejus consortes pavore incessit, cum solito plures pisciculos, quales Genesarethi lacus nutrebat, aliquando cepissent, quanta obsecro formidine trepidassent, si retibus suis ingentes balænas & viva hominum corpora vidissent involuta? Ex qua meticulositate etiam accidisse credo, quod cum terra quadrupedia, fera, reptilia & volucres in vase quodam de calo Ipsi offerrentur, bisque & ter juberebatur, ut mactaret ea atque comederet, hæsitaverit tamen neque tangere fuerit ausus, unde & vas denno in calum fuit receptum. Constat autem, vel Eminentissimo Baronio interprete, Deum ista visione, veluti investituræ cujusdam rignæ Petro voluisse conferre summam potestatem quoscunque homines pro lubitu mactandi: quod ille jus supremæ

Matth.  
XVII.

Luc. v.

Act. x.

Et vocat ad  
Paul. V.  
contra  
Remp.  
V. m. l.



prema Majestati proprium, pro piscatoria sua simplicitate, ita tum neglexit, ut periculum fuerit ne plane interiret, nisi in usum a successoribus revocatum, & inter alios a *Paulo*, non certe illo Tharsensi Idoita, sed *Quinto*, licet intempestivius ac proinde non nihil infelicius, fuisset assertum. Inde igitur Petrus ad nescio quam spiritualem capturam sese accinxit, mysticos pisces in aere venaturus, eosque sagenæ invisibilis cujusdam cœlorum regni inclusurus, cum tamen piscaturam in aquis debebat exercuisse, iisque & latis & profundis. Nam in magnis aquis magni capiuntur pisces, ut est in proverbio. *Aqua autem sunt Populi & turba & gentes & lingua.* Quare etiam a Christo jussus erat *Ducere in altum*, ibique retia expandere, hoc est, ascendere Romam, quæ altum habet dominum super gentes, & unde per omnes terrarum natione retia in capturam laxari possunt, ut recte *Innocentius III.*

Quod si quis dixerit, laudata nobis hætenus Veterum oracula & Christi promissa non nudis atque simplicibus, sed figuratis verbis fuisse enunciata, unde non mirum quod Apostolis non ita accurate intellecta fuerint, is cogitet & Petri Ipsus dictum, *Ecce duo Gladii*, & Christi tum responsum, *satis est*, tum mandatum, *Reconde gladium Tuum in vaginam.* Quibus quid apertius aut luculentius pro omni tum spirituali tum seculari Gladio Ecclesiasticis Principibus asserendo dici poterat? Quod si enim temporalis gladius ad Petrum nihil pertinuisset, certe Christus, facta duorum gladiatorum mentione, debebat dicere, *Nimis est.* At dixit tantum *satis esse.* Neque Petro jussisset, *Converte gladium TUUM in vaginam*, si gladius ille Petri non fuisset, uti sapienter observavit *Bonifacius VIII.* in *extravagantibus*, Ubi Glossa docet, distinguendum inter *Gladium vagina vacuum*, & *gladium*

*Serm. 2. in  
f. ff. Petr.*

*De ma.  
iar. & o. ed.*

*gladium in vagina reconditum; illum visibilem esse, adeoque materiale ac proinde temporalem, hunc invisibilem adeoque spiritualem, utrumque vero fuisset Petri. Siquidem qui gladius meus est in vagina, certe idem etiam meus erit, ubi extra vaginam fuerit: Nihilominus tamen Apostoli contrarium inde videntur collegisse, sibi-que persuasisse, quod Gladii temporalis usus a Magistro prohibitus Iplis fuerit. Adeo difficile est sapere, ubi animus semel erroneis principiis est imbutus!*

Enimvero fatreo nonnunquam Ipsos paulo rectius sensisse, cogitationesque suas ad sublimiora convertisse, ut quando Zebedæorum mater cum Filiis suis certum sibi locum, Christo scilicet a dextris & sinistris proximum attribui peteret; itemque cum de *Præcedentia* jure inter se disceptarent Apostoli, & quisnam maximus esset disquirerent. Fatreo etiam Christum ad istiusmodi petita morosus respondisse, Ipsorumque reprehendisse ambitionem, *Scitis, inquit, Principes Gentium in eas dominari, & Magnates potestatem exercere in eas, verum non ita erit inter vos. Qui voluerit inter Vos primus esse, sit vester servus. Et iterum, Qui maximus est inter vos, sit sicuti minimus, & qui reliquos ducit, sit instar illius qui ministrat.* Quibus verbis turbari facile poterant, & in eum errorem induci, quasi vetitum Iplis esset dominium rerum affectare, & imperium in Imperatores quærere. Verum utcumque illa se habeant, in eo saltem gravissime errarunt Apostoli, quod successoribus suis idem præceperunt, quod sibi erat præceptum, cum tamen Horum longe alia sit ratio. Nam, ut rectissime *Severinus de Monzambano* in aureolo suo commentario ad *Lalium Fratrem; Postquam recentiorum Fortuna sacerdotum immane quantum a tenuibus Antiquissimorum rebus discessit.*

discessit, absurdum fuerit illos amplius adstringere velle  
 obsoletis legibus, super modestia Ejus ordinis Hominum a  
 Salvatore promulgatis. Et fortasse istæ leges ad prima il-  
 la tempora duntaxat debebant valere. Nam id revera ridi-  
 culum erat, homines Piscatores aut Textores priorem lo-  
 cum affectare, quibus in diebus victus aut labore maximum  
 aut stipibus collatis quærebatur. Quod discrimen cum  
 Apostoli non observaverint, occasionem dedere Hære-  
 ticiis, & qui Hereticis pejores sæpe esse solent, Politicis,  
 ut illa Christi responsa ad nostra etiam secula pertinere  
 putent, qua opinione nihil Ecclesiæ nostræ possit esse  
 perniciosius, aut quod *pias animas magis scandalizet.*  
 Atque hinc factum ut *vis quoque piscandi*, quod in om-  
 nes terrarum, imo & *superoælestes & infernales aquas*  
 Pontifici nostro *de jure Divino* competit, multis in lo-  
 cis sit hodie ipsi prohibitum, neque in Britannico O-  
 ceano, aut Codano sinu, aut Lemanno lacu, aut Ger-  
 manicæ fluviis tam libere ut olim liceat piscari. Imo me-  
 tuendum aliquando erat, ne a vicino quoque Hadria  
 prohiberetur, uti Contribulem suum fraterne submo-  
 nuit *Pisanius di Pizzoni, Pescaor da Buran de Mar*, Epist. Pis-  
cat. Veneti  
 Vir sane bonus & Patriæ amantissimus. Tantum scilicet  
 illa Apostolorum pusillanimitas, & de qua gloriari so-  
 lebant, *puella* hodiernum Ecclesiæ nocet!

## DEMONSTRATIO.

Cum Apostoli nihil altum spiraverint, nihil sublime,  
 sed fractis dejectisque animis nonnisi plebeias virtutes,  
 patientiam scilicet, modestiam, humilitatem commen-  
 daverint, quibus Ecclesiæ non salus solum impeditur,  
 sed

sed universa structura funditus labefactatur, consequitur  
necessario, Eos ab Ipso Catholica doctrinae fundamento  
totiusque fidei scopo enormiter aberrasse, adeoque reli-  
gionem quam tradiderunt ex se & principiorum suorum  
natura ad salutem comparandam esse ineptissimam, id  
quod erat demonstrandum.

Jam igitur nostrum fuerit, male posita ab Iphis princi-  
pia vel plane tollere vel corrigere saltem, & ad sacri Im-  
perii stabilimentum accommodare. Cujus rei initium  
proximis literis faciemus: Vos interim valete, & *Bre-  
vingh* valetudinem curate diligenter. Paris. Cal. Jun.  
CLCICLXVII.

JANI



JANI ALEXANDRI FERRARIJ.

Cœnobitæ Augustiniani

Epistola Septima,

Ad

*Reverendissimos Fratres*

ADRIANUM & PETRUM

DE WALENBURCH

*Frates Reverendissimi.*



Christianam Religionem, prout ab Apostolis primum dictata fuit, ad salutem comparandam sive ad Regale Sacerdotium Romæ stabiliendum, ex se & principiorum suorum natura, minime omnium idoneam esse superiori Epistola prolixè ostendimus. Restat igitur, ut, quid de ea sit faciendum, eadem evidentia demonstramus. Quem in finem subiicimus.

PRO-

## PROPOSITIONEM. IX.

*Quamvis Religio Christiana a scopo Romanæ nostræ Ecclesiæ immane quantum abhorreat minime tamen consultum videtur, ut ubi Rationibus approbata, Consuetudine introducta & Principum Auctoritate stabilita est, aperta ejus ruina violento molimine & uno impetu tentetur.*

## EXPLICATIO.

§. I. Fuerint sane qui eam funditus evertendam & aperte destruendam judicarunt, quandoquidem ab utilissimæ ac proinde veræ Fidei scopo tantopere aberrat, ut vix liceat sperare eam quacunque arte aut industria ad institutum nostrum inflecti posse. Tum si maxime huc fuerit accommodata, periculum est ne aliquando ad pristinam naturam tristemque illum & sterilem Genium, quem primitus habuit, ex improvise revertatur. Neque vanum hunc metum esse tum superioris ætatis, tum nostrorum temporum experientia edocuit. Uade enim ad oppugnandam sacræ Monarchiæ nostræ potentiam vel plura vel expeditiora instrumenta deprompserunt Rebelles Hæretici, quam ex ipsis intimis Christianæ Religionis adytis? quæ si non occlusa tantum & quodammodo præstructa, sed prorsus deleta fuissent, utique tantam armo-

rum

rum copiam adversus Ecclesiam Nostram parare sibi nunquam potuissent.

2. Quamvis autem isthæc prudenter a Nonnullis cogitata fuerint, priusquam tamen ipsis assentiamur, contrariam quoque agendi rationem putamus esse examinandam. In istiusmodi enim negotiis, quæ ex omni parte magnis obsidentur difficultatibus, non statim primum obvia via pertinaciter tenenda, verum omnes explorandæ sunt, ut facta omnium accurata inter se collatione, tutissimam tandem ac facillimam eligamus.

3. Atque hic cum primis attendendum, quid Alii ante Nos Viri Sapientes de his ipsis rebus judicaverint. Hos autem inter est *Muhammed*, Homo, ut eventus docuit, Perspicacissimus, cujus exemplum eo pressius nobis imitandum, quo felicius videtur idem, quod nos, institutum urfisse & in consimili causa fuisse versatur. Quare eum ipsi quoque Hæretici Collegam Pontifici nostro adiungunt, & dum bicipitem vel bicornem saltem Antichristum statuant, dextrum quidem cornu Sanctissimo Nostro Patri, sinistrum vero Muhammedi imponunt. Hic autem *Muhammed* cum pro sagacitate sua perspexisset, quantum Religio Christiana ab instituto suo dissideret, utpote, quæ Homines a præsentī felicitate abstraheret, eorum animos imbellium virtutum cultu frangeret atque emolliret, pro bello pacem, pro ferocia mansuetudinem, pro libertate servitutem, preces & lacrymas pro armis commendaret, eam sibi noxiam & perniciiosam omnino credidit, neque tamen uno ictu & vi aperta iudicavit demolendam. Quare inter alia Islamismi capita diserte Populo suo mandavit, ut crederent veritatem Prophetarum & Apostolorum, quique ad Eas demissi sunt librorum, adeoque & proficerentur Christum Filium Mariæ Dei esse.



*Spiritum & Verbum ejusdemque Apostolum, & Evangelium ac Legem Mosaicam passim approbavit. Imo his ipsis fundamentis doctrinam suam videri voluit superstruxisse, scripturarumque auctoritate inniti. Hinc & Muhammedani, qua subtilitate nos Pontificem nostrum, illi Prophetam suum in utroque codice reperiant. In lege quidem Deut. XXIII. comm. 2. ubi, Venit Deus a Sina & ortus est a Sair, & manifestatus est a monte Paran, quibus scilicet verbis descensus legis ad Moysen, Evangelii ad Jesum, Coraniad Muhammedem distincte significatur. Et, teste ipso Propheta Abulcasimo Surata LXXI; Dixit Jesus, Filius Mariae: o Filij Israel, ego sum Apostolus Dei ad Vos, ut verificem, quam habetis Legem, & annunciem Apostolum venturum Post me, cui nomen erit Achimed, id est, Beidario interprete, Muhammed. Quod ipsum in Novi Testamenti libris, discrete scriptum existisse docet nos Dialogista Sacracenus apud Theodorum Abucaram, quando ad Christianum ait: In Evangelio Christus scripsit dicens, Prophetam Vobis mitto dictum Muhammed. Cui Christianus: at Ejus memoriam Evangelium non continet. Contra Barbarus: Continuit sane olim, sed vos expunxistis. Argute, ex capite nimirum XIV. Evangelii Johannis, quod de Paracleto agit, ubi averfa paginae parte in eodem contextu ego persuasissimum habeo existisse quoque Prophetiam de Occidentali Paracleto, qui in scrinio Pontificii pectoris resideat. Quod autem ista in nullis exemplaribus aut versionibus hodie leguntur, id factum fraude Hæreticorum, & in specie quidem Calvinistarum, quos juraverim jam ante mille sexcentos annos talia omnia ex scripturis summo studio erasisse. Quare hodiernum Turcæ, si quando Novo Testamenti Codex in Arabicam linguam translatus, ipsis*

*Opusc. 19.  
inter  
Opuscula  
xlii.  
edita a  
Gretsero,  
Ingolst.  
1606.*

offeratur, ut librum cœlo delapsus & in quo olim Prophetæ sui mentio existeret, summa cum reverentia accipiunt religiofissimeque deosculantur. Ex quibus omnibus colligimus, Magnum istum, ut novi Principatus, ita & novæ Religionis Architectum judicasse, Christianæ Fidei schema quoddam nomenque externum esse ostendendum, eo ipso dum vim ejus internam penitus extinctum ibat. Quem in finem, licet magnifice de Scripturis nostris sæpe fuerit locutus, eas tamen legi aut scrupulosius explicari ac subtilius disputari vetuit, hoc uno contentus, ut, quod & *Ahmed Ibn Edris* ingenue alicubi profitetur, proposito suo inservirent. Atque hanc ob causam eas amplificavit supplemento *Corani*, quo ceu ultimo Prophetici Spiritus distamine perfecta salutis principia continerentur,

4. Hanc viam felicissimi Monarchæ & conjunctissimi Pontifici nostro Collegæ & in Antichristo Fratris cur non & Nos sequamur? Nam si ille non nisi crassum quoddam & corporeum imperium erat exstructurus, & tamen adeo exquisitas artes sibi adhibendas credidit, quanto subtiliori industria nobis opus erit in condendo mystico nostro & spiritali regno, ne scilicet cujusquam oculos offendant, antequam fundamenta ejus solide locata, imo tota machinatio firmiter compacta, & in tantam molemeducta fuerit, ut *Æmulis* formidini esse & suismet viribus inniti possit. Tale imperium cum ex divinarum & humanarum rerum mixtura ita contemperari debeat, ut *spiritaliter corporeum & invisibiliter visibile* existat, necesse est utique ut artes, quibus extruitur, utrique isti rerum generi convenient. Ita demum profana sacris, cœlum terris, vera falsis feliciter immiscebuntur. Ita templa simul erunt munimenta, monasteria castrorum usum præbebunt, insulæ in coronæ figuram aptabuntur, atque idem

baculus & pastoris pedum erit & ficiarii dolo & Regis sceptrum. Ille vero, qui his omnibus ad Sacri imperii stabilitamentum utetur, ex utroque existet verus Leviathan, ipso *Hobbiano Leviathane* longe robustior & formidabilior. Quibus omnibus quid subtilius simul & validius excogitari possit?

5. Nihil igitur nos turbet metus, ille armorum, quæ Hæretici ex Apostolica doctrina contra nos possint depromere. Paria enim Muhammedanis erant metuenda, imo astutissimis quibusvis Hæreticis. Nam semper evenire posset ut Christiana Religio, effervescente veluti quadam fermentatione, sese ipsam a pugnantibus & heterogeneis doctrinis secerneret, easque ejiceret, ad pristinam puritatem liquidamque simplicitatem sese convertens. Id quod tamen multis jam seculis non accidit, cum Christianismus Muhammedismo immixtus in eadem seculenta crasi hodienum subsisteret.

6. Dein si hoc metuamus Nosque in tempesta formidine permittamus absterri, nihil unquam commodi ex aliorum erroribus percipiemus. Cum enim Falsum sine mixtura Veri, & Malum sine fundamento Boni per se subsistere non possint, semper metuendum fuerit, ne Veritas & Bonum a falso & Malo sese subducant, hæcque destituant.

*Veluti nudos in litore pisces.*

Ex quo nimium provideo timore sequeretur, non nisi Puram Veritatem & impermixtum Bonum sectanda atque Aliis proponenda esse, unde omnis qui ex Falso & Malo ad nos redire posset fructus, periret.

7. Certe

*Nil prodest quod non ledere possit idem.*

Ita

Ita citos aspernemur, attulerunt saepe valetudinis causas: <sup>Esib In-</sup>  
 nunquam tecta subeamus, super habitantes aliquando pro- <sup>lit. Or.</sup>  
 cumbunt. Quis noscit ignes, aquas, sine quibus nulla sit vita, <sup>l. 2. c. 16.</sup>  
 & ne terrenis immorer, Solem Lunamque præcipua siderum  
 aliquando etiam nocere. Non igitur disputandum, an a  
 Christianæ Religionis reliquiis damnum forte aliquod  
 ad nos possit redire, verum an plus inde sperandum Boni  
 quam metuendum Mali. Nos autem & callidissimi Mu-  
 hammedis exemplo & evidenti ratione jam ostendimus,  
 si universum Christianismum aperte ejuramus, nihil  
 solidi mansurum esse cui machinas nostras utcumque super-  
 struamus.

8. His accidit & exemplum & judicium summi atque  
 in fabricandis religionibus exercitatissimi Viri *Guilbelmi*  
*Postelli* S. R. E. Presbyteri, & qui superiori seculo exactis <sup>Verdier</sup>  
 per universum prope orbem itineribus tandem senex cen- <sup>Ton. 2.</sup>  
 tenario major Parisiis in cœnobio S. Martini in campis, <sup>dela Pro-</sup>  
 demenso Monachi ex Regia liberalitate gaudebat. Hic in <sup>popog. des</sup>  
 ipsa Parisiorum Lutetia & publice docuit & scriptis tra- <sup>Hommes</sup>  
 didit, feminam quandam sibi familiarem, quam ille *Mere* <sup>Apol. pro</sup>  
*Feanne* nominabat, Mulierum Servatricem esse eodem <sup>Herod.</sup>  
 merito quo Christus Masculorum. Quis credat in ipso <sup>Henr.</sup>  
 capite cultissimi & florentissimi regni, in tanta omnium <sup>Steph.</sup>  
 scientiarum & disciplinarum luce, tanta Sapientissimorum <sup>l. 1. c. 14.</sup>  
 & Eruditissimorum Hominum frequentia ausurum fuisse  
 tam pudendas & prodigiosas augas exponere, nisi eas cum  
 vera Christi historia conjunxisset? Et quando Amicis &  
*Stephano*, qui ista nobis retulit, Venetiis aliquando est  
 confessus, Christianam quidem Religionem sibi displicere,  
 sed eam tamen minime delendam, verum cum  
 Turcica & Judaica esse contemperandam, quid aliud  
 voluit quam Christum non violentis manibus peri-  
 men-

endum sed specie amicissimi complexus suffocandum esse?

9. Atque hanc eandem agendi rationem commendat longa superiorum temporum experientia, & inde ortum Leonis Sacratissimi Pontificis nostri oraculum, qui Pluti Spiritu agitatus & ad pecuniaz ex indulgentiis parat & ad spectum veluti in extasi raptus, *Hem quantum, inquit, nobis profuit fabula de Christo!* Ita Christianismi simulacrum omnino rebus nostris prodesse poterit, modo eo recte sciamus uti. Hoc vero unice dependet a dextertate & industria Eorum quorum interest. Est enim Religio.

Il Pastor  
Fido.  
Act 1.  
sc 4.

— *Come il coltel, che se tu l'prendi  
In quella parte, ove per uso humano  
La mans adatta, a chil adopra e buono:  
Ma ch'il prende ove fere, e spesso morte.*

de M. H.  
c. 5.

Ita Fidem Christianam si ea parte adhibeamus, qua primam Simplicitatem & Veritatem nudam exhibet, peritimus: Sin, commodis nostris egregie inserviet; sic enim vere implebitur, quod Beatus Campanella dixit; *Optima, quam Omnes fere Populi de Religione Christiana conceperunt & credunt, permixtum valet.* Fac igitur ut credant, quicquid ad Pontificem nostrum pertinet, id omne ad Christum ipsum pertinere, & a quo Ille offendatur, Hunc offendi. Nnaquid videtis quo majori pompa Christi nomen exponetur, eo magis Pontificis Nostri auctoritatem atque potentiam amplificari?

Du Pays  
dans  
d'histoire  
des Tem-  
pliers.

10. De Templariis referunt Historici, ad exquisitissima supplicia fuisse damnatos propterea quod Christo aperte renunciaverint fidemque Catholicam sibi praestituerint convellendam. At tamen luculentissimi Scriptores Eos horum criminum innocentem testantur. Ita nuper

*Mexi.*

*Alexereus ; Il n'y a point d'homme de bon sens qui croye que  
tous l'ordre ait etc compable des exorismes qu'on luy imposoit.*

*Dans  
l'Hist. de  
France.*

Unde plurimi existimant, non alius flagitii fuisse reos,  
quam quod Pontificiam Majestatem haud satis religiose  
observarint.

*Quelques uns disent qu'ils n'étoient pas si im-  
pies nisi mechans qu'on les faisoit, mais qu'ils étoient riches  
& qu'ils parloient librement & publiquement des vices, des  
chicaneries & des impostures du siege Romain & contre les  
vices des Ecclesiastiques.*

*Girard  
du Haill.  
d. P. Etat  
de France  
Livre 2.*

Verba sunt alterius Scriptoris  
Galli. Hæc autem etiam si ita se habeant, minime pu-  
gare credam, modo persuasum mihi sit Christi causam  
& causam Romanæ Sedis unam esse eandemque. Nam nisi  
hoc firmiter ponamus, fateor me difficulter assequi, quo-  
modo sine extrema invidia & summæ crudelitatis infamiæ  
adeo immisericorditer haberi potuissent. Jam vero si illi,  
qui Papæ illudunt, ipsum æternum Christi Numen ludib-  
rio habere creduntur, *Clemens* minime censendus est  
inclemens fuisse, quando eos immanissimis tormentis  
excarnificari & piatricibus ustulari curavit flammis. Ne-  
que enim turbare nos debet aut sinistram suspensionem  
movere, quod ordinis illius vir Princeps *Molau* Papam,  
ut ad Christi tribunal intra quadragesimum diem se siste-  
ret, citavit, qui & ipso die dicto e vita discessit. Nequa-  
quam enim credibile est, summum Pontificem ad istius-  
modi Hominis citationem comparuisse, vel si maxime ad  
fatalem illum sibi dictum terminum comparere & Maje-  
statem suam arbitrio Christi sponte submittere voluit,  
hoc ipso docuit se rebus suis ne minimum quidem diffi-  
dere, utpote qui Christo facile sit persuasurus, se in ex-  
urendis Templariis communem causam egisse. Equidem  
non adeo facile ista distinguuntur. *Le temporel s'allie sit  
subtilement avec le spirituel, & de l'interet de l'homme on  
sait*



Dans la  
preface au  
Cord de  
Ricb sur  
son Livre  
de l'im-  
mort. de  
l'ame.

*sait faire si adroitement la cause de Dieu, & il survient des occasions si meles de ces choses, qu'il est malaise d'en faire la separation,* ut recte *Silhonius* noster nuperrime monuit. Crediderim tamen Christum, utut in *Suarezii* Metaphysicis vel *Castanei* Distinctionibus parum versatus fuerit, discrimen facile deprehendisse.

11. Verum concedamus a minimis etiam pristinae Apostolicæ Fidei reliquiis pericula nobis imminere, nondum tamen inde conficetur, eas penitus delendas esse, nisi nobis prius constiterit de probabili propositi hujus successu. Prudentiæ enim est, non solum dispicere quid rebus nostris utile sit atque proficuum, sed & imprimis quid fieri possit. Inepti simus, si ea moliamur, quibus ipsa rerum conditio repugnat. Ubi igitur Religio Christiana mysteriorum suorum sublimitate, præceptionum sanctitate, miraculorum majestate, prædicationis efficacia, aliisque Divinitatis suæ indiciiis se jam Hominum animis insinuavit, ubi longa consuetudine & Parentum Majorumque traditione stabilita, ipsorumque Principum legibus sancita est, adeo ut JESU nomen tanquam tremendum & adorandum habeatur, neque de eo blasphemando sine extremo horrore cogitari possit, nunquid videtis, *Fratres Reverendissimi*, quam ibi temerarium, quam arduum, quam periculi plenum, quam prosperi eventus dubium foret molimen, quod de Christi fide aperta vi & uno impetu conquassanda susciperetur.

12. Ubi vero res integra est, necdum vetus illa Apostolorum doctrina Hominum animis adeo firmiter insedit, ibi fateor aperto velo agi & libere ac sine ambagibus novum rebusque nostris accomodatius Evangelium prædicari & posse & debere, Quod saluberrimum non itum cum Hispanorum Apostoli in America olim neglexerint, Sacrum



Sacrum imperium nostrum multa inde damna est passum: ut recte arguit Beatus jam sæpe nobis laudatus *Camp-nella*; qui, ne in posterum in eundem errorem incideremus, Christianas institutiones tum brevi *Legis Summa*, tum nova *Catechetica methodo* accurate est complexus. *Summa* scilicet, unde & *Lex* & *Prophetæ* omnes dependent, conceptis hisce verbis continetur (*Nihil quicquam* de M. H. tam reverenter coram Populo hoc, qui Christi nomen antea in apend. non audiuit, habendum est, quam nomen Papæ, quo fir-mius ille Religioni nostræ adhaereat, necesseque habeat re-gulam vitæ temporalis & motum salutem æternam conse-quendi a nobis petere. *Myttagogiæ* vero methodum & veræ *Catecheseos* delineationem, licet illa sit paulo prolixior, ramen ob singularem elegantiam temperare mihi non possum; quin exscribam, non dubitans, Vos quoque, *Fratres Reverendissimi*, eam summa cum voluptate, quamvis alias sæpe legeritis, hic denuo relecturos. *Opor-* de M. H. *tebat*, inquit, *docere*, missos a Deo fuisse magistros, *ve-* c. 31. *tuit Moysen & alios*, quibus cum mundus parum fidei ha-beret, Denique ipsum assumpsisse carnem humanam, flagran-tique nostri amore, naturam nostram induisse, ut illo quasi instrumento docere nos possit; qua via nobis ad cælum gra-diendum, utque veritas colenda sit: atque hæc omnia per amicas persuasiones, non armorum violentia. Deinde quod Deus ipse suo proprio exemplo comprobaverit ea qua docuit; atque demonstraverit, quo modo nobis hic super terram con-versandum sit; & quod, postquam nos docuit, ne mortis quidem terrore a Deo cultuque divino recedendum nobis esse, ipse primus mortem a crudelibus tyrannis occisus subierit; ut illius vestigiis instamus; quodque tertio die a mortuis resuscitatus ascenderit in cælum; relicto interitis suo *Vica-rio*, quem Papam vocant, qui in illius tribunali sedet, cæ-lesti

lecti sapientia imbutus, cum multis fortissimis Principibus,  
 qui veritatem divinam propugnent: inter quos Rex Hispaniarum primas tenet. Denique Deum misericordia erga  
 illas motum cum essent idololatra, violantes legem naturae,  
 Hispanos ipsorum fratres miseris, qui illos in veritatis viam  
 reducant, & per Papam & Regem Hispaniae (a qua orbis  
 ille per diluvium separatus sit) ad se pertrahant. Quodque  
 nobis scientiam largitus sit fabricandi naves, marisque &  
 equorum demandorum, quaque modo charae vocales faci-  
 ende sint, ut illi hac omnia intuentes fidem nobis adhibeant,  
 quodque nos praeter hac multa alia miracula edere possimus,  
 quae ipse in hoc mundo edidit, qualia sunt, sanare egrotos,  
 & resuscitare mortuos, si modo sanctissimis illius praeceptis  
 obedierimus, & aqua in nomine Dei minus baptizati, & in-  
 visibili gratia a peccatis mundati fuerimus. Quodque arma  
 hac nobis dederis ad sumendam vindictam de omnibus, qui  
 seminationem veritatis impedire conantur. Hoc praecium,  
 in demulcendis illis sumtum operisuit, multosque ex illis qui  
 per physiognomiam idonei visi fuissent, eligere, atque in hac  
 doctrina erudire, posteaque mittere eos, tanquam Samari-  
 tanam illam, ad vocandos populares & cives suos, omnes  
 comitate atque mansuetudine, sine crudelitate atque avari-  
 tia, Eisque persuadere, aurum nos non plus curare, quam  
 ipsos; quodque illo nos solum utamur ad permutationes re-  
 rum, expellamusque id sine omni avaritia; ostendentes, nos  
 in vicem auri ferrum ad illos deportare, quod omni auro uti-  
 lius est, ad excolendam terram, vitamque ipsam portegen-  
 dam. Quibus omnibus perfectis magnum numerum illius  
 gentis in navem impasitum oportuit, quasi jussu divino,  
 Papa & Regi Hispaniarum patefacto, in quorum regiones  
 eos exportare & per colonias Africa dividere, indeque in  
 Hispaniam transferri oportuit, ut laborarent, terram cole-

tolerent, atque artes mechanicas exercerent, dum Hispani rei militari operam dant, atque paulatim universam illorum regionem sibi subiciunt. Sed Hispani qui primo ibi intraverunt rudes & meri milites fuerunt, nescientes quantum opinio divinitatis in animis hominum valet, ad subjugandos illos. Sed confestim, quasi in propinquorum hostium fines ingressi, ceperunt diripere aurum, palam pra se ferentes salutem illorum parum sibi curae esse, minitantesque nullo praemisso precepto, ut baptizari se sinant, credantque Christum pro se fuisse crucifixum. Quares primo sane intuitu absurdissimae sunt, nimirum quod aqua quaequam in caelum perducere, & quod Deus mori possit, statimque ab initio offendiculo omnibus fuerunt, ut loquitur Apostolus Paulus, non observantes canonem Apostolicum, Praedicare hominibus.

13. Talem Christianae Catecheseos methodum jam nostris temporibus in extimis Asiae Provinciis observant Ignatianae fidei Propagatores solertissimi. Hi enim, cum animadvertent ipsas illas licet exiguas quae in Europa permanserunt, Apostolicae doctrinae reliquias etiamnum nescio quid continere horridum & durum, & quod, ut olim, Aulicia Gentibus videatur, Judaisque sit scandalo, non Christum docuere crucifixum, quem unicuique tamen Paulus se scire professus est, sed alium formosum, magnificum, Chinesis habitu indutum, qui mira cum magnificentia aliquando de caelo in Europam descenderit, & Pontificis Nostri praedicaverit regnum.

Nihil illi de Christo crucifixo, nihil de mortificatione, nihil de jejuniis, nihil de poenitentia, nihil de Eucharistia semel quotannis recipienda. Quod si Chineses illas Ecclesia vellet iterum docere & veris fidei regulis instruere, se deceptos esse clamarent & repugnarent, non enim jejunantem

Palafox,  
in Epist.  
ad Innoc.  
X. Pontif.  
8. Ican.

1649.  
quam etiam  
reli-  
habes,

n Diario  
de Mr.  
de St.  
Anour  
Doctaris  
Sorbon.  
pag 11  
elegan-  
tium.

religionem, non fidem penitentem, plorantem, Natura horridam, carni inimicam crucifixioni, morti & periculis destinatam, non servatorem crucifixum sibi a Magistris suis Jesuitis expositum esse. Non se Hominem Deum flagellatum, consputum, contemptum, vulneribus confossum, in cruce pendentem & mortuum amplexos esse protestantur, sed Servatorem solummodo pulcrum, gloriosum, formosum (sicut ipsum Chinesium habitu depingunt Jesuita) & legem vitamque suavem, latam lenem, placidam, tranquillam.

14. Enimvero novam istam methodum non nulli improbarunt, atque inter Eos magnos super hac re turbas excitavit. *Joh. Palafox de Mendoza Angelopolitanus in America Episcopus & Consilii Indiarum Decanus*, homo simplicior & rudior, quam qui artes istas intellexerit. Hic forte sibi imaginatus est *Anathema*, quod Paulus aliquando vel *Angelo* aliud Evangelium predicanti dixit, hodie adhuc & quidem apud Indos etiam valere; neque recte est interpretatus illud alterum ejusdem Pauli; *Modo predicetur Christus*, hoc est, modo Christi nomen retineatur. Quibus erroribus inductus morosus ille senex istam Jesuitarum Catechesin publice damnavit, unde non mirum quod de sede sua Episcopali deturbatus, ex urbe ejectus, & ab Ignatianis Sodalibus solempni ludibrio habitus fuerit, crucis signo taurinis cornibus super ipsum formato, & decantata *Antania*; *Ab Episcopo Palafox libera nos Domine*, ut ipse quidem in iisdem literis lamentabiliter conqueritur. Certe dignus erat qui cum simplici sua & antiqua pietate exagigaretur, jubereturque foras ire & ibi æternum plorare & ærenue, quantum lubuit, jejunium exercere.

15. Importunis quidem Episcopi Illius & consimilium imprudentium Hominum delationibus & querelis Multi Viri Boni & Simples per Europam offensi fuere. Quibus ut quodammodo satisfaceret, Pontifex forte etiam iusto meticulosior methodi istius publicationem sacro edicto repressit, cujus prohibitionibus instrumentum nuper nobis retulit *Hurtado Theologus Hispanus*. Verum censura ista nequaquam eo interpretanda, quasi ad Christianos, qui trans lineam Equinoctialem & ultra Gangem habitant, pertineat, cum tantum facta sit in gratiam Eorum qui aliquas Veteris Christianismi reliquias in Europa etiamnum tenent, uti præter alios integro & solido volumine edocuit Celeberrimus *Didacus de Moralez Jesuita Rector Collegii Sancti Iosephi in urbe Manila*, quæ Metropolitana est *Philippinarum*.

*Thomas Hurt. in Opusculo. Colon. ed. a. 1655.*

16. Quæ cum ita sint, tutissimum credo eandem viam inire, quam olim tenuerunt Imperatores, cum Remp. Romanam in Dominium essent conversuri. Ut enim illi simulacra quædam Libertatis pristinae reliquerunt, ipsa Libertate funditus sublata, ita etiam iuvabit imaginem quandam Christi ostentare, Christo ipso sensim abolito. Ut hac ratione observemus istuc religiosissimi *Macchiavelli* monitum; *Qui Reip. formam vult innovare, in id incumbat necesse est, ut rerum quæ antea fuerunt, umbram aliquam retineat. Sic enim efficietur, ut plebs non putet quicquam esse mutatum, quamvis omnia re ipsa sint innovata, Nam Populus non solet res profundius intueri, sed quæ videntur & foris ita apparent, eas perinde ac si ita sint, accipit. Quamvis Magistratus plane novi creentur, planeque nova munera Hominibus imponantur, sunt tamen eadem retinenda nomina, ut putentur esse eadem.* Hinc evidens colligitur.

*Dis. de Rep. l. 1. c. 25.*

C O N -

## CONCLUSIO.

Cum serum apud Nos status non permittat, ut Christus aperta violentia e medio tollatur, consultum est eum lenta tace confici, & simul dum contrahescit, artibus Babylonis vel Ægyptiacis Mumie instar ita condiri, incrustari & pingi, ut vivi & succulenti corporis imagine Hebetioribus imponat. Artes autem istas ut rite assequi & particulatim explicare possim, illum, qui in scrinio peccatoris Pontificis Nostri residet, Spiritum suppliciter rogo ductu suo & afflatu me ulterius ne didignetur. Vosque adeo etiam, *Viri Reverendissimi*, me precibus Vestris atque intercessione apud ipsum iuvate. Dabam e Bibliotheca Conventus majoris. Cal. Decembr. c10 Io cxxvii.

FINIS

